

明治
新刻

國史略

石村貞一編輯

四

11

53口

卷之四 目次	
	後奈良天皇
	正親町天皇
	明正天皇
	後陽成天皇

大日本教育會館
第七架
三五七號
函架號

0 1 2 3 4 5 6 7 8 9 10 1 2 3 4

始





特31
817

11
53口

國史略卷之四

長門

石村貞一 編輯

紀元二千一

百八十六年 後奈良天皇諱知仁後柏原帝第一子也。母豐樂門院

丙戌歲四月廿九日踐祚

藤原氏贈左大臣教秀之女。皇胤紹運錄大永六年四月。

右兵衛佐 義明

踐祚菅別記○冬十二月。足利義明遣里見義弘侵鎌

筑前守元長

倉掠奪鶴岡神寶。北條氏綱遣兵擊破之。義弘僅以身免。關東兵亂記○七年。丁亥春二月。三好元長奉細川晴

將軍義晴走近江

元發兵入京師。將軍義晴細川高國逆戰于桂川。大

敗。走近江。○三月。細川晴元奉義晴弟義維據塚城。

元長長輝孫。晴元澄元子也。足利季世記 ○冬十月。越前

守護朝倉教景。近江守護六角定賴。京極高岑等。發

兵二萬。納義晴于京師。教景與畠山義宣戰。破之。斬

首百餘級。○享祿元年。春正月。教景與元長講和。

諸將罷兵。各歸其國。既而和敗。義晴復奔近江。高國

奔伊勢。二川分 ○三年。庚寅。秋八月。大內義隆遣其將

筑紫尚門朝日賴實。攻肥前。少貳冬。尚令龍造寺胤

久拒之。胤久部將鍋島清久奮戰。敗之。斬尚門賴實。

九州。○四年。辛卯。夏六月。細川高國與浦上村宗合兵。攻細川晴元於攝津。三好元長奉晴元戰于天王寺。

聰明五郎
後右京太
夫晴元
朝倉太郎
左衛門
享祿元年

大永八年
八月七日
改元
從二位大
納言兼太
宰大貳義
隆
浦上掃部
助

天文元年

享祿五年
七月廿九
日改元
新九郎政
長入道宗
三
左京亮長
政
權僧正法
印信受院
證如上人
光教
六角彈正
少弼

大破之。誅高國村宗。足利季世記 ○九月。上杉憲政

代憲廣為管領。足利判鑑 ○天文元年。壬辰。夏五月。晴元殺

其家宰三好元長。元長叔父政長稱宗三。與元長有

隙。讒之。晴元亦忌元長。使宗三誘殺之。堺城。九州

治亂。○秋八月。木澤長政與本願寺僧光教鬪。初長

政以晴元命誘光教。圍三好元長。不賞其勞。其徒大

怒。所在竝起。攻晴元。取界城。晴元使長政六角定賴

誘京師法華徒。攻復界城。光教敗走。保大阪城。○二

年。癸巳。春正月。大阪僧徒復攻晴元。晴元奔淡路。足利季世記

○二月。關白植家罷。內大臣藤原植通代之。公卿補任

夏四月。晴元率阿波兵歸助長政。據池田城。○五月。

晴元長政攻大阪城。城堅不拔。遂講和。足利季世記 ○是

歲。大內義隆大舉攻少貳冬尚。九州記 ○三年甲春三

月。將軍義晴還京師。畿內兵亂記 ○夏四月。少貳冬尚與

大內義隆講和。義隆使陶道麒留鎮肥前。而凱旋。九州

記 ○冬十一月。關白植通罷。尹房再為關白。公卿補任 ○

五年。丙申春二月。天皇即位。時國用匱乏。不能行禮。大

內義隆奉資以助經費。於是始行禮。龍造寺記 ○夏五月。

義隆入朝。詔為太宰大貳兼防長。豐筑守護。專領山

陽及鎮西之事。時尼子晴久秉山陽諸國兵權。謂其

義晴還京師

陶兵庫頭
持長入道
道麒

二月廿六
日即位

大內義隆助即
位禮

右衛門督
晴久

武田晴信按海
野口城

勝千代晴
信後信濃
守又大膳
大夫

左京大夫
信虎
平賀入道
源心

部下曰。義隆奉勅專山陽西海兵權。然我不能為之。

麾下也。乃率兵三萬。次青野鼻。義隆聞之。大怒發兵。

討之。晴久嬰疾退軍。義隆亦旋師。諸家系圖室町日記 ○冬十

月。關白尹房罷。十一月。前左大臣藤原植家代之。公卿補任

○十二月。武田信虎出兵。信濃攻海野口城。城主

平賀源心善戰。信虎以兵八千攻之。踰月不能拔。會

大雪。信虎解圍而去。其子晴信請殿。信虎笑曰。敵必

不尾。而請殿。怯也。晴信固請。以兵三百殿。後大軍數

里止舍。五更即發。還向海野口。與三百騎馳。黎明襲

城。城兵已散。源心等獨與百人留守。晴信掩擊殲之。

遂斬源心置守兵而歸人服其勇略甲陽軍鑑○六年丁酉

秋七月北條氏綱攻上杉朝定於河越大破之遂取其城朝定走松山城北條記○七年戊戌春三月武田晴

信逐其父信虎先是信虎欲廢晴信立弟信繁晴信

知之密與板垣信形等謀致意今川義元義元以為

信虎强悍難制不如擁立晴信渠必服屬於我乃許

之於是信虎如駿河義元留信虎不返晴信自立甲

斐諸宿將皆頌首聽命○秋七月武田晴信與諏訪

賴茂小笠原長時戰于韭崎大破之斬首凡三千級

先是晴信浸耽酒色喜詩賦不見國政群臣莫敢諫

武田晴信逐其父

板垣駿河

守今川治部

大輔

諏訪安藝

守小笠原大

膳大夫

板垣信形學詩大諫

板垣信形稱病潛延一僧善詩者於家學詩數旬乃

出侍宴請賦詩晴信不信強請而可立就五題晴信

大喜曰汝何遽能如此信形因大諫曰先君唯無道

故為君所逐今君復如此得不復有如君者乎晴信

感悟遂勵精為政甲陽軍鑑○八年己亥夏六月大將軍義

晴出居八瀨將軍家譜○是歲齋藤秀龍逐其主土岐賴

藝初秀龍家貧賣油以為業仕土岐老臣長井俊盛

為僕既而殺之奪其邑至是又逐賴藝盡弁其地織田

信長信長雜髮稱道三總見○十月北條氏綱與足利義

明里見義弘戰于鴻臺走義弘殺義明北條五代記○九

齋藤秀龍逐其主

齋藤山城

入道道三

秀龍一作

利政

土岐彈正

大弼

長井藤左

衛門尉

左衛門大夫氏綱
尼子晴久攻吉田城

少輔次郎元就
尾張守晴賢初名隆房入道全姜
武田太郎左衛門

備後守信秀

年庚子秋九月。尼子晴久攻毛利元就于吉田城。初晴久遇元就亡狀。大內義隆遣使百方通好。元就終應之。攻下國內諸城。屬晴久者。晴久大怒討之。義隆遣其將陶晴賢救之。晴久遂敗還。晴久鹽冶高貞裔也。
毛利記安西軍策 ○十年辛丑夏五月。大內義隆攻安藝守護武田信實於銀山城。斬之。又攻山名理興於備後。取神鳥城。於是三備皆降附。義隆記 ○十一年壬寅春三月。關白植家罷。左大臣藤原忠冬為關白。公卿補任 ○將軍義晴還自近江。畿內兵亂記 ○秋八月。今川義元與織田信秀戰小豆坂。敗績。信秀斯波氏之臣。平重盛之裔也。

德川二郎三郎參河守廣忠
棹舟公長親

波爾杜瓦爾來

南蠻始齋鳥銃來

天主教來
牟良叔舍
一作佛來
釋古

也。織田信長譜 ○是歲參河岡崎城主松平廣忠生子家康。高祖長親大喜曰。此兒容貌非常。必當貴顯。廣忠新田氏之裔也。武德大成 ○十二年癸亥春二月。大內義隆攻尼子晴久。富田城敗還。安西軍策 ○秋八月。波爾杜瓦爾商舶來多。襪島。武備志 其人深目高鼻。言語不通。明人一人從而來。以杖畫沙。以告求互市之意。所齋有鳥銃。島主時堯。姓關 購得之。使人學之。自是本朝始傳。鳥銃。舶長一人。一曰牟良叔舍。一曰喜利志多孟太。南浦集 天主教之入本邦。亦自是始也。後大友義鎮崇奉之。其法浸盛。大友記九州治亂記 ○細川氏綱入和泉。為亂。細

河越之役

左京大夫

氏康

民部大輔

憲政

大道寺駿
河守名

川晴元遣兵擊走之。足利季○十三年。甲辰春二月。武田晴信伐諏訪賴茂。破之。賴茂納款。晴信誘殺之。納其女為妾。甲陽軍鑑○夏四月。北條氏康襲上杉憲政。大破之。先是。憲政圍北條綱成於河越城。足利晴氏援之。為長圍。絕糧道。城中大困。氏康來援。夜襲。走憲政。晴氏於是。關東諸將即夜降。氏康者九十餘姓。氏康氏綱子也。是夜上杉氏將多死。本間近江單騎止戰。近江軀幹魁偉。纍九灯于竿。以為背旗。曰。吾以燭闇主之闇也。與大道寺鬪。授之九灯。曰。吾毋復用此也。子用為標。好仕。北條公乃死。大道寺自是以九灯為

播磨守政國

足利義輝為將軍

將軍義輝奔阪本

記幟云。

關東兵亂記

○十四年。

乙巳

夏六月。關白忠冬罷。左

大臣藤原房通為關白。

公卿補任

○十五年。丙午秋八月。畠

山政國納細川氏綱於高屋城。將伐細川晴元。晴元

遣兵攻之。政國逆戰。破之。晴元發阿波讚岐淡路兵。

攻之。攝津豪族三宅池田等皆應。政國攻戰互有勝

敗。足利季世記

○冬十二月。將軍義晴罷。子義輝為征夷

大將軍。時年十一。

將軍家譜

○十六年。丁未

春三月。義晴義

輝以兵九百保北白河。謀除晴元。○秋七月。晴元大

舉入京師。初晴元娶六角定賴女。以故定賴亦將兵

一萬來攻。義晴義輝奔阪本。畠山政國及游佐長教

河內守長教

將軍義輝歸京師

大內義隆新制坊里

入援京師路遇敵軍敗走義晴遂與晴元講和足利季世記 ○冬十月武田晴信破村上義清于上田原義清

奔越後依長尾景虎甲陽軍鑑 ○十七年戊申夏六月義晴

義輝歸京師京都將軍家譜 ○冬十二月關白房通罷左大

臣藤原晴良代之 ○是歲大內義隆進從二位公卿補任

位踰父祖意稍驕恣山口多廷臣避亂者而明人常

互市焉義隆耽咏歌學梵譯不復問武事陶持長嘗

憂之持長子義清幼聰敏常誹義隆曰是墮落沙門

流竄公卿耳持長視其有不臣之志藥殺之義問田

晴賢為子義隆遂欲遷皇都其國新制坊里開三條

筑前守範長入道號長慶

十河民部大夫

義輝又奔阪本

備後守信秀

平手政秀諫織田信長死

九陌彈極壯麗室町殿日記 ○十八年己酉春三月三

好長慶游佐長教等攻宗三中島城取之宗三走保

榎並城細川晴元援宗三據三宅城四月長慶與弟

十河一存攻榎並三宅並拔之斬宗三晴元走還遂

挾義晴義輝奔阪本足利季世記 ○十月長尾景虎援村

上義清與武田晴信戰海野自是甲越戰爭無寧歲

甲陽軍鑑 ○是歲織田信秀卒子信長嗣豁達好任俠不

修行儀傳平手政秀為書切諫遂自殺信長驚惋自

咎為建佛院名曰政秀寺齋藤秀龍以其婦翁召一

見服其雄武謂人曰吾子孫必為之奴也信長記政秀寺記

津久見美作弒其主

大友左衛門督義鎮

入道號宗麟

前將軍義晴薨

號萬松院

○十九年庚戌春二月津久見美作弒其主大友義鑑

子義鎮嗣義鎮驕暴好畋獵入田親真諫之義鎮怒

誅之曰木鑑速吉岡宗歡等憂之條其過失諫之義

鎮悔悟兇暴頗止大友記○夏五月前將軍義晴薨穴

太山中年四十足利官位記○冬十一月三好長慶

入京師攻焚東山城○二十年辛亥春二月長慶進至

大津六角義賢逆擊走之足利李世記○秋七月細川晴

元軍相國寺長慶攻焚之晴元狹義輝奔朽木畿內兵亂

○八月陶晴賢弒其主大內義隆初晴賢與義隆

孽臣相良武任爭權謀殺武任武任怖而遁逃晴賢

陶晴賢弒大內義隆

陶尾張守入道號全

薑相良遠江守

二條關白

武田晴信稱信玄

長尾景虎稱謙信冒上杉氏

平三景虎入道謙信

遂據其邑若山反攻山口義隆走大寧寺晴賢追圍

之義隆自殺晴賢迎豐後國主大友義鎮弟義長為

主時前關白尹房前左大臣藤原公賴中納言藤原

親世左近衛中將藤原良豐寓山口皆遭害安西軍策足利

李世記○武田晴信雜髮稱信玄甲陽軍鑑○二十一年壬子

春正月細川晴元與三好長慶和將軍義輝還京師

晴元質于信良削髮遁於丹波足利季世記○冬十二月

長尾景虎雜髮稱謙信先是北條氏康攻上杉憲政

於平井城其臣目方新助等捕憲政子龍輝降氏康

憲政奔越後依長尾景虎盡以其姓氏官號授之景

虎胃上杉氏因稱關東管領關東兵亂記○二十二年癸丑

春正月關白晴良罷左大臣藤原兼冬代之公卿補任○

夏五月武田信玄敗小笠原長時于桔梗原悉取信

濃甲陽軍鑑○六月三好之康弑其主細川持隆於阿波

之康長慶弟也二川分流記○秋七月義輝召還細川晴

元三好長慶畠山高政發兵攻之義輝晴元奔近江

足利季世記○二十三年甲寅春二月關白兼冬薨○三月

左大臣藤原晴嗣為關白公卿補任○弘治元年乙卯秋九

月毛利元就奉詔討陶晴賢於嚴島誅之初大內義

隆之死也臨終遺書囑元就曰吾不幸為賊臣所弑

讚岐守持
隆前守之
康入道稱
實休

弘治元年
天文廿四
年十月廿
三日改元

毛利元就討陶
晴賢

毛利大膳
大夫

左衛門尉
隆景

吞恨入地非卿誰能復我仇元就覽書流涕曰吾受
大貳恩眷雖無所囑猶欲為復仇況有是乎乃會諸
族屬議討晴賢之計小早川隆景進曰宜請之天子
仗大義討之則人心所嚮無不克矣元就曰善乃上
書請討晴賢一行詔即制可之元就得詔感喜於是
築城嚴島諸將皆諫其不可元就弗聽城成以兵數
百守之既而元就聲言吾悔不聽老將言嚴島地形
難守難援即為敵有諸城從陷吾計莫失於此晴賢
聞而大喜將騎卒二萬戰艦千餘艘攻嚴島元就晦
夜乘大風雨將舟師襲之賊軍遽怯自相擊刺遂大

九月五日
崩

紀元二千二百十七年丁

正親町天皇諱方仁後奈良帝長子也母贈皇太后藤

皇胤紹運錄

奈良院皇胤紹運錄葬深艸法華堂山陵志後改葬泉涌寺

就兵威震關西安西軍策○秋九月帝崩壽六十二稱後

口大內義長自殺於是周防長門備後安藝皆屬元

春三月毛利元就將萬騎至周防拔煤間城進攻山

義氏居鎌倉奏請任左馬頭足利判鑑關東兵亂記○三年丁

得遂自殺安西軍策○冬十月北條氏康立足利晴氏子

千人晴賢肥大不便行步從者扶掖至海濱求舟不

潰晴賢咄嗟遏走者不能遏也賊爭舟而遁溺死數

日歲十月廿七日踐祚

永祿元年

弘治四年

二月廿八日改元

木下秀吉始仕織田氏

松下加兵衛尉之綱

美濃守義龍

原氏贈內大臣賢房之女皇胤紹運錄弘治三年十月踐

祚御湯殿日記○永祿元年戊午夏五月將軍義輝軍阪本

○六月進至如意嶽三好長慶遣松永久秀攻之佐

佐木義賢拒戰不利乃與長慶和尋歸京師足利季世記

○秋九月木下秀吉始仕織田信長秀吉尾張愛智

郡中村人父曰彌右衛門母夢日入懷而生之名曰

日吉幼而穎悟長有大志年十六仕松下之綱之綱

使秀吉買胴丸甲秀吉奪其金以為資裝事織田信

長太閤記豐臣秀吉譜○二年己亥夏四月齋藤義龍弑其父秀

龍秀龍愛少子欲立為嗣義龍怨之殺二弟遂及其

正月廿七日即位

毛利元就獻資助大禮

從四位下陸奧守元就

桶峽之役

父信長記 ○三年庚申春正月。天皇即位。時朝廷衰敝。不能行禮。毛利元就獻資。助其儀。始得行禮。詔賜菊桐章。毛利記龍造寺記 ○夏五月。上杉謙信入京師。謁將軍義輝。義輝賜偏名。改名輝虎。補關東管領。京都將軍家譜 ○今川義元大舉侵尾張。織田信長逆擊於桶峽。大破之。斬義元。初義元將四萬騎。拔鷺津丸根。信長單騎馳救之比及熱田祠。得千人。自祈戰勝。陰使祠官鳴甲于龕中。信長顧軍士曰。神助我也。乃伏旗鼓。循山而馳。至於桶峽間。瞰視義元營。義元新勝。不復設備。信長揮槍先衆馳下。會大雷霧雨昏黑。衆兵鼓譟。斫營。

小平太忠次 毛利新左衛門

成田下總守

河中島之役

太郎義信

而入營。兵大驚。不知所出。服部忠次進入幕中。薄義元。義元拔刀擊其膝。毛利秀高縱義元。斬其首而出。駿河軍大潰。信長追擊。斬二千餘級。乃賽熱田而返。凱旋清洲。信長記織田信長譜 ○四年辛酉春三月。上杉謙信將兵九萬。攻北條氏康圍小田原城。一日至鎌倉。拜鶴岡祠。忍城主成田長泰不禮。謙信怒。取扇撲其面。由是諸將皆叛去。謙信遂班師。關東兵亂記 ○秋九月。上杉謙信與武田信玄大戰于河中島。謙信壘于西條山。堰水為池。信玄與子義信將二萬騎來軍。雨宮渡。以絕其歸路。越後將士說曰。利在速戰。謙信不肯。居三

宇佐美駿
河守

本莊越前
守

日。信玄收兵入貝津城。以瞰謙信。歸謙信自若也。信
 玄謀曰。謙信蓋俟吾變。不動其軍也。吾伏兵河中。而
 別軍自貝津直往攻西條。則謙信可擒也。越後謀者
 報曰。甲斐軍出貝津南行矣。謙信召諸將問計。宇佐
 美定行等曰。彼蓋為二軍。欲及吾踰河夾擊之也。語
 未畢。謀者又報曰。甲斐軍渡廣瀨。上河中陣矣。謙信
 曰。吾與信玄構兵十餘年。未得志。明日之戰。吾將出
 其意外。決雌雄也。乃置疑兵山上。而全軍啣枚縛馬
 舌。涉雨宮渡。遇武田氏斥騎十七人。盡斬之。進壓信
 玄軍。而陣使本莊繁長等陣筑摩河岸。甲斐軍已向

山本勘助
晴幸稱道
鬼
飯盛城戰
畠山次郎
後紀伊守
松永彈正
忠

西條山。信玄俟報至。曉曉未辨人色。見謙信牙旗在
 前。將士皆失色。越後軍鼓而進。聲震天地。信玄不暇
 更其陣。以弓銃力拒。謙信欲遂宿志。自率銳兵前衝
 中堅。見信玄在床。馬上揮刀連擊者二。信玄舉團扇
 扞之。部將原大隅揮槍鏖之。不中。誤槌其馬。馬駭逸
 去。衆不知其為謙信也。既而義信以二千騎尾擊。越
 後軍竟退去。是日信玄父子皆傷。部將山本晴幸等
 多死。甲陽軍鑑 ○五年。壬戌夏四月。畠山高政圍三好長慶
 於飯盛城。三好義興。松永久秀等將兵八千援之。大
 破之。高政奔堺浦。於是畿內悉屬長慶。足利季世記 ○十

右衛門晴久 三郎四郎 義久任伊豫守

稻葉城戰 右兵衛大 夫龍興

二月。尼子晴久卒。子義久嗣。晴久與毛利元就構兵數歲。其屬國皆為元就所并。僅有出雲半國。兵力益弱。至是卒。安西軍策○六年。癸亥。秋八月。松永久秀弑其主三好長慶子義興。長慶悲哀不自勝。踰年而卒。足利季世記○七年。甲子。春正月。北條氏康與里見義弘戰于鴻臺。大破之。北條五代記○秋八月。信長圍齋藤龍興於稻葉城。初齋藤秀龍之未死也。有二驍將。信長計除之。乘夜外出者數。夫人齋藤氏疑其有所私。頗有妬色。信長曰。吾非有他心。乃欲成祕計耳。夫人問其計。曰。不可與女言也。固問。信長誑之曰。美濃二將陰通款。

信長移治岐阜

松永久秀弑將軍義輝

義輝法名道圓號光源院 兵部大輔 藤孝 南都一乘 院主覺慶 出雲平

於我圖舅氏曰。事成則舉燧。吾母夜出望之。未舉也。夫人憂恐。密為書告之。秀龍秀龍驚。即誅其二將。齋藤氏兵力自是削弱。義子義龍者。既弑秀龍。傳子龍興。龍興暗弱。至是其將士悉降。逐龍興。龍興奔近江。後信長治稻葉。名曰岐阜。總見記織田信長譜○八年。乙丑。夏五月。松永久秀弑將軍義輝。義輝惡久秀專肆。密謀除之。未發。久秀先發。襲二條。第殺之。細川藤孝奉義輝弟覺慶。走近江。改名義昭。將軍家譜○九年。丙寅。秋七月。毛利元就攻出雲數年。至是拔富田城。尼子義久降。出雲悉平。安西軍策○十年。丁卯。冬十月。松永久秀攻三好康

足利義榮為將

左馬頭義榮
左京大夫
義次

織田信長入京

伊丹兵庫頭後大和守池田筑後

長於東大寺焚而走之時康長與三好政康岩成左通稱三好三黨與久秀相惡○十一年戊辰春二月足利義榮拜征夷大將軍三好義次松永久秀以擁立之功威權頗張足利季○秋七月足利義昭赴美濃依織田信長先是義昭流寓于外三歲聞信長威名欲往託焉使筮之吉乃決意使使諭信長信長遣將士迎之館于立正寺義昭見信長託以興復信長信長謹諾之室町日記○八月織田信長以義昭西上攻六角義賢破之說蒲生賢秀降之遂入京師嚴禁侵掠進徇攝津伊丹親興池田勝政等皆降附足利季○

足利義榮薨

足利義昭為將

創建南蠻寺

大將軍義榮病薨于富田公卿補任○冬十月三好義次松永久秀乞降義昭欲誅之信長請赦之足利季○義昭拜征夷大將軍義昭賞信長功任左兵衛佐封以山城和泉河內攝津近江五國信長固辭不受足利季世記將軍家譜○十一月關白前久罷前關白晴長為關白公卿補任○十二月武田信玄攻取駿河今川氏真出奔遂依北條氏甲陽軍鑑○大友義鎮伐宗像重繼毛利元就援之自是毛利大友構兵累歲不決安西軍策義鎮薙髮稱宗麟諸家系圖○是歲信長創建南蠻寺初宇雷漢破天連欲弘其教來長崎其事聞上國信長矯將

上總介氏
眞

拓修二條城

置一條雷殿

佐久間右

衛門尉

柴田權六

修理亮

筑前守秀

吉

軍義昭命爲教書召之一見大喜爲賜京師地方二町建寺名曰永祿寺延曆寺僧徒奏訴本寺之外不可以年號爲寺號因敕信長改稱南蠻寺南蠻寺興廢記○十二年己春正月北條氏康以今川氏眞至駿河與武田信玄戰于薩埵克之甲陽軍鑑○二月信長拓修二條第○夏四月第成將軍義昭徙居焉信長謂信長曰方今兵革未弭宜留驍將一人衛護我矣時佐久間信盛柴田勝家以宿將見任用議者謂二條護衛必二將既而信長以木下秀吉爲二條雷護衆皆驚愕○豐臣秀吉譜 ○德川家

山中幸盛復出雲

山中鹿之助

助四郎勝

久後左衛

門尉

康攻今川氏眞于遠江克之氏眞奔小田原武德大成○

六月尼子氏遣臣山中幸盛復出雲幸盛出雲人膂力絕倫有勇略義久之亡也幸盛依松永久秀時經

久孫勝久爲僧居東福寺幸盛說以密謀密使蓄髮

會毛利元就與大友義鎮構兵幸盛乘其虛奉勝久

入出雲得兵三千復新山未次諸城安西軍策○秋八月

織田信長攻北畠具教于伊勢拔安香城具教與族

水造具政有隙具政作亂潛通信長信長帥衆伐之

遂平伊勢勢州軍記具教准后親房之裔也北畠國司系圖

○是歲大內輝弘入周防募兵取山口毛利元就遣

太郎左衛門尉輝弘

吉川駿河守

元龜元年

永祿十三年

四月廿三日

改元

毛利右馬

頭輝元

朝倉左兵衛督

淺井備前守

姊川之役

左京大夫

氏政

吉川元春擊斬之輝弘政弘子也。安西軍策○元龜元年

庚春正月。元就遣孫輝元及吉川元春等擊尼子勝

久破之。安西軍策○夏四月。信長攻朝倉義景于越前。拔

手筒金崎二城。淺井長政稱兵近江。應義景。信長引

還。○六月。信長攻長政于橫山城。義景遣兵援之。德

川家康援信長。與義景長政戰于姊川。大破之。信長記

田信長譜。○秋九月。信長攻三好三黨於攝津。義景長政

追躡南上。信長還擊。棲之於叡山。遣使諭山僧內應

不聽。足利季世記○冬十月。北條氏康卒。子氏政嗣。北條氏政世記

○十二月。信長與義景長政和。諸將各還國。足利季世記

元就詣嚴島祠

備中守隆
左衛門佐
隆景

○二年。辛未夏六月。毛利元就卒。年七十五。寬永系圖元就

幼名松壽。比髻齷。詣嚴島神祠。既歸。問從者曰。汝輩

何祈。曰。祈郎君王安。藝也。松壽曰。汝盍祈吾主天下。

夫願主天下者。能主一方。願主一方者。能主一國。今

願主一國矣。其所成可知。已聞者奇之。後果領十州。

嫡子隆元卒。孫輝元嗣。叔父吉川元春。小早川隆景。

竝輔之。毛利家記先是。輝元隆景在出雲。聞元就病

篤。引還。留元春護其軍。至是。元春聞其訃。奮曰。吾當

殲敵。以慰先君之靈也。乃攻末石新山。執幸盛。幸盛

脫走。美作。尼子勝久棄城逃。安西軍策○秋九月。信長縱

信長火叡山

瀧川左近
將監
平手監物
三方原之役

本多平八
郎後中務
大輔
酒井左衛
門尉
小山田備
中守昌行
山縣三郎
兵衛昌景

火叡山執僧徒悉斬之惡其黨淺井朝倉也。○是歲
皇宮成。○二年_{壬申}春三月信長營邸第於京師。_{信長記}
○冬十二月武田信玄攻德川家康於遠江拔輔飯
田二城織田信長遣佐久間信盛瀧川一益平手汎
秀援之與信玄戰于三方原信玄縱火濱松城外家
康欲出擊之信盛等止之家康怒曰人入我閨蹴我
枕猶有卧而不較者哉乃與本多忠勝酒井忠次等
擊小山田山縣二將走之追北而進武田勝賴自傍
進小山田山縣皆返之信玄縱奇兵橫擊家康軍大
敗之信盛走汎秀死家康切齒口出沫勵眾返擊成

成瀨藤藏
本多肥後
守
夏目次郎
右衛門

天正元年
元龜四年
七月廿八
日改元

武田信玄卒作
空頭花押數百

瀨正義本多忠真等死者凡二百餘人信玄益逼家
康自度不脫欲返決死夏目正吉曰勝敗常事耳非
大將授命之日君第速去臣請代焉乃苦戰而死家
康得間而走信玄怒信長畔盟送汎秀首讓之遂與
信長絕。_{甲陽軍鑑}○天正元年_{癸酉}春正月將軍義昭賜書
信玄使與信長和不聽。_{甲陽軍鑑}○三月將軍義昭城石
山堅田以伐信長信長遣兵攻拔之遂西上行成而
還。_{信長記}○夏四月武田信玄卒年五十二初信玄欲
略遠參二國觀兵京畿會罹疾不果遺命曰我死之
後宜深祕喪諸國聞我病不審其死必不來侵吾豫

孫六郎信綱入道遺遙軒

信長置京師所司代村井長門守

具空頭花押數百紙。以備書問。且信綱容貌肖我有。問病者。令信綱答之。言畢而死。子勝賴嗣。四隣頗聞。信玄死。北條氏政馳使告之。謙信謙信方食。舍箸而歎曰。失好敵手矣。世復有此英雄男子乎。因潛然流涕者久之。甲陽軍鑑 ○秋七月。義昭復稱兵。據旗島。信長急攻破之。義昭乞降。信長徙之河內。義昭走紀伊。詔削其官爵。於是信長代足利氏。以村井貞勝為所司代。蠲地子錢。弛徭役。織田信長譜 ○八月。信長擊淺井長政於月瀨城。破之。朝倉義景自將來援。會燒尾城主淺井對馬。以城降。義景遁還。信長追擊抵越前。

式部大輔景鏡

左京大夫義次

信長截黃熟香

九月十三夕謙信賦詩

朝倉景鏡斬義景持首出降。信長傳首京師。還圍長政於小谷城。長政奮戰而死。淺井三代記 ○十一月。信長擊三好義次滅之。近畿悉平。信長記 ○二年。甲春正月。近畿諸將賀正于岐阜。信長賜之酒。酒三行。謂眾曰。我有佳肴。請侑飲焉。乃出義景長政首塗以金粉。諸將皆笑。織田信長譜 ○三月。信長入朝。叙從三位。任參議。奏請截東大寺黃熟香。○秋七月。信長討長島賊。平之。使瀧川一益守長島城。信長記 ○秋九月。上杉謙信將兵三萬入加賀。屠金澤。移兵攻七尾。取能登。乃休兵。一日。屬十三夕。月色明朗。謙信置酒軍中。會諸

將士酒酣自作詩曰霜滿軍營秋氣清數行過雁月三更越山竝得能州景遮莫家鄉憶遠征令將士善歌詩者皆和之遂為政國中而還武家閑談○三年乙亥春正月信長命吏治道路植楸樹造津梁除關征弛徭役信長記○五月武田勝賴大舉圍長篠城城將奧平信昌使鳥井勝高告急家康家康曰吾與信長出兵在近堅守勿降勝高歸途為敵所獲勝賴使之語城中曰信長不來援不如輒降勝高佯許之既至城中呼曰援兵尋至努力堅守勝賴大怒殺之既而信家家康來援擊大破之勝賴將山縣昌景馬場信房內

長篠之役 伊奈四郎 勝賴 九八郎信昌後美作守 強石衛門 勝高 馬場美濃守

藤昌豐等皆戰死武德大成甲陽軍鑑○秋七月信長奏請以木下秀吉為筑前守秀吉慕丹羽長秀柴田勝家威名改氏羽柴總見記○八月朝倉氏餘黨據越前加賀諸城為亂信長親將討平之織田信長譜○四年丙春正月信長徙治安土山起天主閣閣凡七層高七丈布邸第于山下令子信忠守岐阜以備武田氏先是松永久秀好天主教起城樓于志貴以祭天主天主閣之設自此始信長記○夏五月信長使荒木村重等攻本願寺光佐于大阪初信長諭光佐納石山城光佐不聽信長怒討之不克大舉親攻之本願寺痛庶實記○冬

內藤修理亮 秀吉改姓羽柴 始起天主閣 荒木攝津守 本願寺顯如上人

北畠氏亡

十一月。信長殺北畠具教。北畠氏亡。勢州軍記○是歲足

利義昭自紀伊至備後。依毛利氏。自是織田毛利構

兵云○五年。丑。春二月。信長討紀伊雜賀。民平之初

雜賀民為大阪聲援。信長遣兵擊之。魁首雜賀重次

等出降。信長凱旋。安西軍策織田信長譜○冬十月。信長使信

忠誅松永久秀。初久秀之降也。信長眾中辱之曰。此

夫為人所難為者。三弑公方。叛三好氏。燔大佛殿。是

也。久秀慚恚。噉之。遂叛。應大阪。據志貴城。信忠急攻

之。久秀登天主閣。縱火自焚。織田信長譜○十一月。信長

任右大臣。公卿補任○信長遣羽柴秀吉西伐入播磨。拔

孫一重次

秋田城介

三位中將

信忠

羽柴秀吉西伐

浮田和泉

守別所小三

郎

嘉平次景

勝三郎景虎

尼子四郎

佐用上月。諸城城屬。浮田直家直家乞援。毛利氏。織田

信長譜安西軍策○六年。寅。春三月。別所長治叛。據三木城。

附毛利氏。羽柴秀吉移兵討之。總見○上杉謙信卒。

年四十九。先是謙信遺書信長曰。公數與畿甸敵戰。

未識北人技倆耳。請期明春三月五日。聊舉八州兵。

西上相見。乃大徵兵。先發一日。疾作不起。姪景勝與

養子景虎爭立相攻。遂殺景虎。甲陽軍鑑○夏四月。

關白晴良罷。公卿補任○羽柴秀吉使尼子勝久守上月

城。總見毛利輝元使吉川元春小早川隆景將兵五

萬圍之。○六月。秀吉與元春隆景戰。敗績。退保書寫

山中幸盛被殺

山安西軍策○秋七月。元春陷上月城。勝久自殺。山中幸

荒木攝津守

盛出降。尋被殺。毛利家記○冬十一月。荒木村重叛。據伊

荒木村重陷饅頭

丹。信長親將討之。不克。初信長之擊義昭。村重首應

明智十兵衛日向守 池田勝三郎

之。信長大喜。會有獻饅頭者。信長拔佩刀。貫饅頭于

鋒。以陷村重。村重進開口受之。信長笑曰。好男子。攝

津十三郡任汝剪取之終如其約至是為明智光秀

所讒。遂叛。應毛利氏。信長築長圍。令池田信輝等守

之。而還。信長記○高山長房叛。應村重。信長大怒。召南

蠻寺僧侶曰。我創建斯宗。宗徒宜捨身命。仕我無二

心也。然篤信如長房者。反與叛臣何也。是汝等教導

島津修理大夫号龍伯

無素也。若不速歸順。則毀寺廢宗。蠻僧大怖。急說降

浮田和泉守

之。信長大喜。益隆其教。南蠻寺興廢記○大友義鎮與島津

淨土法華安土問答

義久戰于耳川。敗績。先是。義鎮好天主教。毀神祠佛

秦右衛門大夫

寺。衆心離叛。至是。龍造寺隆信。徇肥前。筑後。義鎮將

光秀以母為質

士多屬焉。九州治亂記○十二月。左大臣藤原兼孝為關

伊丹城陷

別所小三郎

教如上人
光壽

呂宋貢崑崙奴

檻送安土磔殺之。丹波人聞之，磔光秀母。信長以丹波賜光秀，治龜山，賜姓惟任。信長記 ○冬十一月，瀧川一益陷伊丹，村重奔依毛利氏。 ○八年庚辰春正月，羽柴秀吉拔三木城，斬城將別所長治，尋盡定播磨。徇下，但馬備前諸城，徙治姬路。豐臣秀吉譜 ○三月，詔大阪僧徒與信長和，僧光佐奉詔，遜于鷲森法嗣，光壽違約不去，因擯斥之。至明年四月，致大阪。本願寺嫡庶實記 ○九年辛巳春二月，呂宋貢崑崙奴，信長召見之，伴天連率崑崙奴而至。信長記 ○夏四月，關白兼孝罷左大臣，藤原內基代之。公卿補任 ○秋七月，武田勝賴城于薤崎。

鳥取城陷

式部少輔
經家

桔梗原之役

織部昌茂

阿部加賀守

號曰新府。甲陽軍鑑 ○冬十月，秀吉以數萬騎圍鳥取城，絕其糧道，累月城中糧盡，吉川元春以六千人援之，馳至，伯耆則城已陷矣。秀吉欲誅國人，免守將吉川經家，經家不聽，自殺，以免其兵。豐臣秀吉譜 ○十年壬午春二月，信長與信忠將兵十二萬伐武田勝賴，德川氏北條氏各大舉應之，信忠先進至桔梗原，勝賴會諸將於諏訪，軍議城昌茂進曰：方今之勢，不可一日猶豫，臣得假五千兵為先鋒，真田昌幸等以餘兵繼進，我必克之。勝賴問之，二嬖二嬖曰：年少者所言，不可用也。阿部忠高進曰：臣遣間使覘敵，敵深入，客兵離

長阪左衛門入道 跡部大炊助 穴山伊賀守梅雪入道 仁科五郎 小山田備中守 太郎信勝 勝賴入天目山自殺 小宮山內膳正

而不整可襲也。我夜合兵疾進挫其前部以破其膽。二壁又不許。一壁謂長阪調閑跡部勝資也已而穴山信長叛降德川氏。信忠進陷信濃諸城。諏訪軍潰。勝賴走歸新府。三月信忠入甲斐圍高遠城將仁科信盛與小山田昌辰固守信忠誘降不聽。信忠怒攻之。昌辰力戰數出狙擊信忠不中城遂陷。信盛死之。於是敵兵四面來薄。勝賴欲徙避之于信勝曰事已至此何之而免乎。當焚旗與無楯徐自裁而已。乃與入天目山兵僅四十人。小宮山友信單騎來從。友信初數諫勝賴請除二壁。又與小山田將監者爭事。竝

土屋總藏

秋山紀伊守

武田氏亡

訴將監厚結。一壁勝賴遂廢鋼。友信友信於是赴難。追及田野。就土屋昌恆言曰。君嘗擯我而我赴君難。是傷君之明也。然不赴。缺我義。與缺我義。寧傷君明耳。因問調閑何在。曰。昨逃矣。問勝資。曰。亦逃。問將監。曰。逃已十日矣。友信曰。唉。吾知有今日久矣。勝賴俛首而已。已而勝賴使其配北條氏奔相摸。對曰。妾何顏見阿兄乎。又使信勝奔陸奥。信勝曰。兒辱家嗣。義當死于此。勝賴曰。然則吾與汝共死。願汝未行擐甲。禮當行禮而死。乃請秋山光次為賓。被信勝以無楯。比禮畢。敵兵奄至。勝賴以白布約髮。拔刀親戰而死。

修伊勢兩宮

信長定關東法制十五條

清水長左衛門

年三十七。信勝亦死。年十六。信長梟勝賴首於京師。割甲斐信濃駿河上野。與有功諸將。甲陽軍鑑織田信長譜○是春。詔修伊勢神宮。初天武帝詔每二十年。改造兩宮。延喜式弘安以後其儀廢絕。至是復舊制。信長記○夏四月。信長定關東法制十五條。以瀧川一益為關東管領。織田信長譜○五月。德川家康至安土。信長使惟任光秀饗之。光秀方備供具。會秀吉入備中。圍高松城。引甲部川灌之。守將清水宗治募城內深戶。收板數百枚。造船出戰。毛利輝元大舉來援。秀吉請信長親出。乃命池田信輝。惟任光秀等先發。光秀大怒曰。饗

明智光秀弑信長

村井長門守春長軒

左馬助光春

事未竣。又命遠役乎。悉投其具於湖。馳還龜山。而信長信忠繼進至京師。信長館本能寺。信忠館妙覺寺。○六月。惟任光秀弑右大臣信長及左中將信忠。森蘭丸村井貞勝等六十餘人死之。初信長遇將士。不設禮節。嘲謔。罵以為常。嘗掖光秀手。擊其首曰。好禿顛。可以代鼓。光秀慙憤。深喻之。信長又寵蘭丸。嘗許其二歲後領滋賀郡。郡時屬光秀。光秀自疑其罹奇禍。至是卒然問傍人曰。本能寺墮深幾尺。眾異之。遂與從子光春等。決策悉丹波兵。即發。宣言奉命西援秀吉。夜度大江山。至老阪。右折。則備中道也。光秀

森長定稱
蘭丸

前田德善
院

光秀獨都下地
稅

乃左馬首而馳士卒驚異既涉桂川光秀乃舉鞭東
 指曰吾敵在本能寺矣衆始知其反也味爽圍本能
 寺呼噪而入弓銃交發信長在臥內驚起曰反者誰
 令蘭丸出視其旗幟返報曰惟任也信長曰敢爾乃
 手弓而出射斃數人蘭丸以下宿直者皆死之信長
 縱火自殺年四十九信忠馳赴之途聞信長已弒退
 保二條城賊兵來圍信忠力戰而死遺命前田玄以
 逃歸岐阜奉其子三法師入清洲室町日記織田
信長譜太閤記○
 德川家康至堺聞變從間道歸其國武德大成○光秀置
 所司代掌京畿政獨都下地稅遂赴安土織田信
長譜○

安國寺惠
瓊

織田信孝
幼字三七

丹羽五郎
左衛門

輝元聞信長且至大舉將襲秀吉僧惠瓊素歸心於
 秀吉為議和秀吉曰苟使城將宗治自殺則我可以
 藉手而去惠瓊以告輝元不肯明日惠瓊自入城諭
 宗治宗治曰我一死可以兩國何敢不死即自殺
 會京師凶聞至輝元遣使治前議秀吉見使者具告
 變故使還報曰事已至此公等猶和乎將士皆欲戰
 小早川隆景曰乘喪背約不義莫大焉終不聽交質
 成和秀吉乃班師先是織田信孝修艦紀伊急襲鷺
 森幾毀其巢窟得凶報還次大阪聞秀吉班師與丹
 羽長秀等會于尼崎俱討光秀光秀既定京師在安

光秀伏誅

三法師秀
信
三介信雄
後正二位
內大臣
葬總見院信長
爐骨

土乃將兵出拒秀吉。秀吉整諸軍，與光秀戰于山崎。大破之。光秀奔阪本，途過小栗，栖土兵群起，以竹槍縱殺之。光秀自擊兵，十有三日而敗。世稱三日公方。惟任退治記太閤記 ○秋八月，秀吉與柴田勝家瀧川一益等議立三法師為信長嗣，更名秀信，居安土，奉以近江三十萬石。叔父信雄領尾張，信孝領美濃，諸將分領織田氏地。豐臣秀吉譜 ○秀吉收信長爐骨葬大德寺，號總見院，奏請信長贈位。豐臣秀吉譜 勅贈太政大臣從一位。織田信長譜 初阿彌陀寺僧貞安為信長所寵，聞變馳來茶毘遺骸，葬諸阿彌陀寺。秀吉賜二百石為香花。

清玉上人
貞安

信孝討秀吉

料貞安不喜秀吉執政權，臣視信雄等故固辭不受。秀吉怒，創總見院。阿彌陀寺記錄 ○冬十月，以秀吉任左近衛少將，叙從五位。公卿補任 ○十一月，信孝忌秀吉之威名，謀除之，曰：「我家遭遇變故，而我家奴輩舍長立幼，以爭攫遺地，且吾與信雄同年生，特以月日少，後故有兄弟之名耳。吾有復讎之功，秀吉乃攘而沒之，其篡竊之勢已成矣。不速誅之，後不復可制。」乃密與柴田勝家瀧川一益謀討秀吉。秀吉聞之，乃結信雄急發兵攻信孝于岐阜。岐阜兵寡，乃佯行成。豐臣秀吉譜 ○十一年癸未春正月，秀吉擊瀧川一益於伊勢，拔龜

佐久間玄蕃

中川瀨兵衛

山城退屯長濱。○柴田勝家使佐久間盛政將步騎二萬出軍柳瀨。○夏四月。信孝復舉兵應勝家。秀吉往擊之。山路將監謂佐久間盛政曰。秀吉攻岐阜。子豈得不赴援哉。盛政曰。固也。道路阻絕。敵充塞其間。我將如之何。將監進附其耳語曰。敵壘皆固。獨中川清秀壘在賤岳之麓。去我尤遠。其備不固。急襲之。秀吉在大垣。不得赴援。破之必矣。盛政以其計告勝家。勝家喜曰。可也。吾分兵當諸營。汝則往擊。擊而勝。速還。慎勿留也。盛政將萬人乘夜襲之。守將中川清秀戰死。盛政遂軍賤岳。勝家召還之。不聽。秀吉聞之大

賤岳之戰

堀尾茂助
後帶刀
福島市松
左衛門大
夫
加藤虎之
助後主計
頭
加藤孫六
左馬助
平野權六
遠江守
賤岳七槍
脇坂甚內
後中務少
輔
柴田氏亡
片桐助作
東市正
糟谷助右

喜曰。吾得大勝矣。即命駛卒五千人。先往募沿道民。曰。吾將赴賤岳。炬火導我。酒食餉我。遂令堀尾吉晴。留當岐阜。而自提輕兵一萬五千。舉鞭疾馳山谷。皆炬。盛政軍見炬火。驚擾。俄而秀吉來攻。弓銃亂發。盛政軍稍亂。福島正則。加藤清正。加藤嘉明。平野長泰。脇坂安治。片桐且元。糟谷武則。揮槍奮戰。大破之。世稱曰。賤岳七槍。勝家聞敗。曰。盛政果敗我事矣。遂走入北莊。秀吉進圍之。獲盛政及勝家子權六。斬之。勝家與其妻織田氏。縱火自殺。○織田信雄圍岐阜。誘信孝曰。宜徙居安土。信孝出城。信雄遣人

正 衛門内膳

築大阪城

三驍將

岡田長門

守重吉

津川玄蕃

允義冬

淺井多宮

丸

小牧之役

柳原小平

太後式部

大輔

森武藏守

殺之於路。○五月。詔以秀吉任參議。○瀧川一益降。

秀吉遷之越前。豐臣秀吉譜 ○冬十一月。秀吉城大阪。尋

徙治焉。武德大成 ○是歲。琉球使來貢。和漢合運 ○十二年。甲申

春三月。織田信雄視秀吉威權日隆。心不能平。其下

有三驍將。秀吉厚遇之。信雄疑其有私殺之。與秀吉

絕。乞救德川家康。家康帥酒井忠次。柳原康政。本多

忠勝等軍。小牧。兵一萬八千。忠次等擊秀吉。將森長

可于羽黑走之。斬首二百級。秀吉得敗聞。自將騎卒

十二萬軍于犬山。自按視地形。仰視小牧山。曰。吾後

矣。乃起壘植柵。以頓諸軍。柳原康政移檄敵軍。罵秀

長湫之役

井伊萬千

代後兵部

大輔井伊

肥後守直

親子

堀久太郎

後左衛門

督

長谷川藤

五郎

稻葉伊豫

守

長曾我部

土佐守

島山左衛

門佐

吉。秀吉乃購康政首千金。○夏四月。池田信輝等自

請間道擣參河。秀吉許之。臨發。誠信輝曰。宜募士兵

縱火東參河。勿侮敵。輕進恃勝。不備。信輝進拔岩崎

至長湫。家康金扇馬標逸出山後。井伊直政自其南

以銃手橫擊。敗堀秀政。長谷川秀一等軍。森長可挺

進指揮。中丸而斃。其陣大亂。家康陷。信輝陣。斬首一

萬五千。秀吉聞信輝敗。疾進不及。忿恚曰。信輝不從

吾言。今果取敗也。將進攻。稻葉通朝扣馬諫之。乃止

時土佐國主長曾我部元親與故紀伊國主島山貞

政合謀將侵大阪。秀吉乃還大阪。豐臣秀吉譜 ○冬十

月秀吉與信雄和各解兵而去武德大成○十一月秀吉

任權大納言公卿補任○秀吉遣使濱松求和家康不聽

○十二月信雄抵濱松謝出師之勞且曰卿與秀吉

非素有深讎唯為吾構兵耳今吾行成卿亦宜和乃

家康遣第三子秀康為質秀吉為養子授羽柴氏將軍

家譜武德大成○關白內基罷○十三年乙酉春二月左大臣

藤原昭實為關白○三月秀吉任內大臣公卿補任○秀

吉築第於內野名曰聚樂太閤記○秀吉將兵南伐初

根來寺僧磐據險隘屢為攻戰小牧之役屬信雄焚

掠大阪旁近至是秀吉掩其巢穴悉殲之又攻雜賀

三河守秀康後越前中納言

聚樂第成

根來寺興創教國師所

大和長言秀長孫七郎秀次後關白浮田八郎後中納言秀吉為關白二條關白

菊亭右大臣

城拔之紀泉悉平○夏五月秀吉遣羽柴秀長秀次

將舟師六萬伐長曾我部元親于土佐浮田秀家小

早川隆景並帥兵會之元親出降南海平豐臣秀吉譜○

秋七月關白昭實罷內大臣秀吉為關白公卿補任初秀

吉起微賤無姓氏始稱平氏中稱藤原氏至是欲為

征夷大將軍右大臣藤原晴季素與秀吉善為之謀

曰故事大將軍非源氏不可公稱藤原氏宜為關白

秀吉曰關白何物晴季曰位亞天子統御百官秀吉

大喜時關白關秀吉請之廷議許之豐臣秀吉譜太閤記○秋

八月秀吉將兵十萬北伐佐佐成政據富山築三十

石田治部
少輔
上杉喜平
次後會津
中納言

石川伯耆
守

置五奉行
淺野彌兵衛
增田右衛門尉
長束大藏
少輔

餘壘于栗殼嶺。秀吉張疑兵當之。而航海直襲富山。成政惶駭出降。秀吉與石田三成等十餘騎直入越後。與上杉景勝盟。太閤記豐臣秀吉譜○肥前國主龍造寺隆信。殘忍好殺。部下多叛。高來城主有馬義純亦叛。屬島津義久。隆信大怒。發兵攻之。義久援之。隆信敗死。由是龍造寺氏遂衰。九州治亂記○冬十一月。石川數正降大阪。初數正子從秀康如大阪。秀吉屢勸家康入覲。不聽。數正知其生覺。決意西奔。武德大成○是歲秀吉置五奉行。以前田玄以淺野長政。增田長盛。石田三成。長束正家充之。以玄以兼所司代。豐臣吉譜○毀南

毀南蠻寺

半兵衛後
為修理大
夫

蠻寺。逐宇留漢等。初信長之遇弒也。宇留漢等以失大援。欲誘秀吉以為大檀越。就其嬖臣中井某。母。百方勸裝。秀吉曰。新宗之徒。賑貧療病。以利誘人。是將有所為也。若今不殄滅。後必有患。令增田長盛。長束正家。以兵三千。毀南蠻寺。執宇留漢等。載荷蘭船。送歸本國。誠曰。若再來。則斬罪。後至十六年九月。執殘黨于堺。磔之。嚴禁天主教。南蠻寺興廢記○長崎實記為文祿四年。○十四年。丙戌。春正月。秀吉遣使勸家康入覲。不聽。遂以異父妹。妻家康。武德大成○夏四月。家康遣本多忠勝於大阪。納聘。家忠日記○夏五月。豐後國主大友義鎮。遣使於

義久蠶食九國

高橋主膳

正号紹運

立花左近

將監

仙石權兵衛

大友豐後

守義統

長曾我部

官内少輔

信親

十河民部

大輔

家康入京

茶屋四郎

次郎

京師請伐島津義久。初義久自薩摩起蠶食九國。義鎮歲被其兵窟城。主高橋鎮種立花城主戶次宗茂皆來送款焉。於是秀吉遣長曾我部元親等發兵西向使仙石秀久齋書往諭義久。義久不聽。秀久憤恚以大友氏兵進擊大敗走豐後。義久大舉入豐後下十六城。大友義鎮既死其子義統出戰大敗。元親子信親與十河存保死之事聞秀吉大怒議西伐益促家康入觀。太閤記○冬十月家康從萬餘人而發。秀吉母曰大廳出問女于岡崎以安其國。人家康至京師館于茶屋晴延。秀吉與弟秀長等來見曰。今吾子一

建方廣寺造大佛

十一月七

日讓位

正月五日

崩

為天下屈節。吾事成矣。我起微賤。諸侯多不心服。奚為則可。家康曰。公第莫違義。義之所在天下從之。秀吉曰。善。既而曰。明日見子于聚樂。子枉意降我。以視諸侯。家康入聚樂第。秀吉大會諸侯。延見如儀。家康拜跪甚恭。諸侯皆改容畢禮而去。太閤記○家康任權中納言。公卿補任○十一月秀吉奏以本多忠勝。柳原康政。並為朝散大夫。德川臣僚受朝命自是始。武德大成家忠○是歲秀吉建方廣寺。山城志以木造大佛高十六丈。興卒數萬人。四方工人盡集。太閤記○帝禪位皇太子。後文祿二年正月崩。皇胤紹運錄壽七十五葬于

深艸法華堂遺詔稱正親町院時慶

紀元二千二百四十六年丙戌歲十一月七日踐祚同廿五日即位後陽成天皇諱周仁初名和仁正親町天皇之孫贈太

上天皇誠仁子也母新上東門院藤原氏贈左大臣

晴秀之女皇胤紹運錄天正十四年十一月踐祚御

殿日仍用天正號公卿補任○十二月關白秀吉任太政大臣

自改姓為豐臣豐臣秀吉譜其族及寵臣皆授豐臣姓王代

一○德川家康徙治駿府武德大成○十五年丁亥春三月

關白秀吉大舉西伐兵凡二十餘萬水陸並進島津

義久築城於豐後府內拒守秀吉攻破之四月攻岩

石城拔之小熊城主秋月種實遁走子種長以城降

秋月筑前守種實

秀吉征島津氏

關白秀吉改姓

五日即位

丙戌歲十一月

七日踐祚同廿

百四十六年

紀元二千二百

長門守種

島津義久降

佐佐內藏

助後陸奥

弟義弘難髮出降秀吉以義弘領其國西海悉平豐臣

景於筑前欲以筑後封吉川元春會卒而止安西軍策○

秋七月秀吉班師豐臣秀吉譜○十六年戊子春正月秀吉

奏請幸聚樂第帝許之豐臣秀吉譜時承大亂之後典籍

殘亡乃令前田玄以與公卿雜議一準永亨例太閤

○夏四月天皇幸聚樂第上皇及諸皇子公卿百官

宗室妃嬪皆從關白秀吉率文武百官扈從扈從者

天皇幸聚樂第

關白秀吉
使諸侯盟
于簾下以
三條

陸奧守佐
佐成政
小西彌九
郎後攝津
守
左京大夫

蓋新典也。遠近縱觀。父老或有涕泣者。曰。吾儕聞有。行幸之儀久矣。今得觀之。即日行享禮。明且秀吉盛。服出侍于御座之右。使列侯盟于簾下。曰。奉戴皇室。竭力王事。莫敢或怠。皇家之邑。莫敢或侵。侵者相共。誚責戒囑。子孫莫敢或渝。關白所令事。無大小。莫敢或不奉。所違斯盟者。六十六州神祇。大罰殛之。覆其國家。莫能享其祿。天皇留蹕五日。奉獻供億之殷。前古無比。聚樂第行幸記豐鑑 ○佐佐成政有罪。賜死。分肥後。授加藤清正。小西行長。豐臣秀吉譜 ○五月。秀吉遣使相摸。諭北條氏政入覲。不答。先是。氏政老子氏直嗣而事。

氏政
相摸守氏
直
收天下兵器
真田安房
守

安房守氏
邦

秀吉撒龍王

決於氏政。武德大成 ○秋八月。秀吉禁天下百姓藏兵器。悉收輸之官。室町日記 ○氏政遣使于京師。曰。真田昌幸取我沼田。請令昌幸返之。然後入朝。武德大成 ○是歲造黃金大鈔小鈔。五事 ○十七年。己丑 秋七月。秀吉令真田昌幸還致沼田於北條氏直。氏直使叔父氏邦居焉。氏邦遣兵取名胡桃城。昌幸訴之。秀吉大怒。令駿河越後以西四十五國發兵。以金一萬枚。糶海道諸國。時海路久絕。民皆憚風濤之險。曰。海龍王為祟。秀吉笑曰。吾受王命討不庭。何物龍王敢得沮我也。作檄授之。投海而進。大閣記武德大成 ○十八年。庚寅 春三月。秀

小田原之役

松田尾張守

關東八州

伊豆相摸
武藏上野
下野安房
上總下總

吉大舉東伐兵凡二十五萬自戎服入朝受節刀于
陛拜辭而起武德大成○夏四月秀吉馳至小田原城中
大震北條氏政氏直固壁不出秀吉分遣諸將徇下
關東八州六十餘城時氏直將松田憲秀送款秀吉
曰小田原西南笠挂山極高俯瞰城中公須移於此
秀吉即夜令萬卒築城山上糊紙于壁望之如聖敵
兵驚以為神秀吉攜家康登城樓下視曰關東八州
在我目中不日取以予卿耳家康曰幸甚秀吉又曰
卿亦居小田原乎曰然秀吉曰不可我嘗觀地圖自
此迤東二十里有地曰江戶襟帶河海地潤土肥卿

伊達右京
大夫仙臺
中納言
越後宰相
上杉景勝
佐竹常陸
介義重

北條氏亡

美濃守氏規

宜居此家康曰謹奉教武德大成○五月伊達政宗來謁
秀吉使人讓之曰我討小田原天下所知上杉佐竹
皆通聘問而卿擁兵數萬未嘗通一介使命何乎政
宗分疏甚力又曰若歸所侵諸地則與舊地如故否
則將飲馬北地矣政宗曰死生唯命況邑土乎乃入
見既遣歸諸將勸留之不遣秀吉哂曰吾不用寸兵
而取五十四郡非汝輩所知也政宗謂人曰關白天
授也遂去就國太閤○秋七月氏政氏直出降秀吉
殺氏政送其首於京師梟于一條戾橋放氏直及其
將北條氏規等於高野北條氏亡關東悉平豐臣秀吉譜北

封家康關東八國

內大臣信

雄

中村式部

少輔

田中兵部

少輔

浦生忠三郎飛彈守

朝鮮來聘

條記 ○秀吉以關東八國封家康以參河遠江駿河甲斐信濃封織田信雄封豐臣秀次於尾張中村一氏

於駿河池田輝政於參河吉田田中長政於其岡崎

堀尾吉晴於濱松其餘賞功有差信雄辭封不受秀

吉怒流之出羽秋田 ○八月朔家康始入江戶城武德

成 ○秀吉進至白河遣人檢陸奧出羽地封浦生氏

鄉於會津鎮撫東北大閣 ○九月秀吉還京師武德大成

○冬十二月朝鮮王李昞遣黃允吉金誠一等來聘

時秀吉有伐明之志命史作書答之曰日本豐臣秀

吉謹答朝鮮國王足下吾邦諸道久屬分離廢亂綱

紀阻格帝命秀吉為之憤激被堅執銳西討東伐以

數年之間而定六十餘國海內既治民富財足帝京

之盛前古無比夫人之居世自古不滿百歲安能鬱

鬱久在此乎吾欲假道貴國直入于明施吾王化是

秀吉宿志也凡海外諸藩後至者皆在所不釋貴國

先修使幣帝甚嘉之秀吉入明之日其率士卒會軍

營以為我前導李昞終不答豐臣秀吉譜 ○十九年

卯夏五月秀吉召松下之綱賜丹後遠江伊勢之一

萬石曰償攘金也太閣 ○九戶政實叛秀吉使氏鄉

政宗討之氏鄉獻政宗通賊手東秀吉怒召政宗政

九戶修理亮

伊達政宗入京

宗曰。吾自分誅戮也。作貼金磔柱。使人揭前行入京。及詰問。陳謝甚辨。遂釋之。○秋九月。氏鄉等拔九戶城。誅政實及其族三十餘人。秀吉削政宗封益氏鄉。食百萬石。武德大成○冬十二月。秀吉奏請以內大臣豐臣秀次為關白。自稱太閤。秀吉之甥。養為子者也。公卿補任豐臣秀吉譜先是秀吉使柳川調信僧玄蘓赴朝鮮。玄蘓謂金誠一曰。明國久絕本朝通信。關白秀吉今欲直討不庭。使其四百州盡化我俗。朝鮮先為奏聞。使通聘使。則必無事。而本朝之民亦幸甚矣。誠一峻拒之。玄蘓曰。往年高麗導元兵寇本朝。本朝以此

秀吉稱太閤

柳川豐前守

征韓之役

九鬼大隅守

文祿元年

天正廿年
十二月廿七日改元
續王代一覽作十一月廿八日
秀吉詣嚴島祠擲錢為卜

中納言秀家

報怨勢所宜然。誠一不復問。二人復命。又使宗義智。再至朝鮮。諭攻明情實。李昞不從。德忠錄於是秀吉謀於諸將。決西征。乃命九鬼嘉隆造戰艦數百艘。大具兵食。○文祿元年。壬辰春正月。天皇幸關白秀次第。豐臣譜○二月。秀吉發京師。或曰。盍以善漢文者從。秀吉笑曰。吾此行將使彼用我文耳。○夏四月。至安藝。謁嚴島祠。投百錢。祝曰。吾而勝明。面者居多。乃投皆面矣。衆大喜。蓋糊合兩錢也。遂至肥前。建行臺於名護屋。諸軍會者凡五十萬人。糧食稱之。以浮田秀家為元帥。增田長盛。石田三成。大谷吉隆。為參謀。加藤

韓王出奔平壤

清正擒韓二王

朝鮮八道八府

咸鏡道有

咸興府平

安道有平

壤府黃海

道有海州

府京畿道

有漢陽府

北忠清

道有公州

清正小西行長為先鋒以伐朝鮮兵凡十餘萬太閤記

行長先進徇下慶尚道清正略慶州會行長于忠州

又分路而進韓王李昫出奔平壤分遣其二子肆瑋

召諸道兵錄五月秀家入國都行長清正長盛三

成等悉會秀家部署諸將索捕李昫隱峯野史清正

聞王子逃去追至兀良哈境擒肆瑋及從官百餘人

遣使報名護屋秀吉大喜下書褒獎焉豐臣秀吉譜○六

月行長逼平壤李昫奔義州留其將尹斗壽金命元

守之行長擊走之贈昫書曰本朝伐明路出貴國而

貴國出兵拒我故所在罹禍聞足下欲屯鴨綠江我

府江原道

有原州府

慶尚道有

大丘府全

羅道有全

州府東上

大廳明神宗帝

舟子與次

兵衛

攻之在近耳昫得書大驚告急于明乞援且請內附

明主乃遣其將祖承訓史儒帥精兵五千來援行長

等邀擊於安定破之斬史儒承訓僅以身免懲感錄○

秋七月秀吉母大廳在京師疾病秀吉自名護屋歸

到赤間關舟礙石而覆將溺死偶立灘石毛利秀元

馳軻救之即賞秀元誅舟子入京則母已薨○九月

秀吉除喪至名護屋○明兵部尚書石星聞承訓敗

說明主曰秀吉兵衆勝而遠鬪未可與爭鋒且寧夏

未平復有事於遼東不若且議和以紓禍也因薦沈

惟敬惟敬慧黠有辨口嘗來我國與行長有舊石星

媾和徵七條

碧蹄館戰

加藤作內
遠江守
細川越中
守

以諳我國事情遣之。惟敬見行長議和。行長素喜。和議約以七條。日和議曰。割朝鮮四道與我。日通聘曰。封爵其餘。逸而不傳。惟敬復命。衆議久不決。豐臣秀吉譜曰。朝鮮征伐記。○冬十二月。明主以李如松為大將軍。帥兵五萬。援朝鮮。明史徵錄○二年。已春正月。李如松大舉來攻。平壤。行長敗走。國都。明軍乘勝。鼓行而東。國都將吏令諸城撤守。來會。諸城皆聽命。獨小早川隆景不肯。如松進至碧蹄館。隆景擊大破之。斬首一萬級。殆獲如松。如松墮馬。明兵扶去。豐臣秀吉譜曰。朝鮮征伐記。○三月。加藤光泰。細川忠興等攻晉州。不克。士卒多戰死。朝鮮之兵所在。蠶起。殆復故土。閩

還韓二王子
內藤如安
冒小西氏
稱飛彈守
淺野彈正
少弼

陷晉州

○夏六月。與明講和。明使沈惟敬等來。名護屋。謁秀吉。先是。惟敬往復再三。納賂。行長。議冊封及還韓。伴。行長與秀家。三成等。以冊封為秀吉王明之謂也。於是秀吉喜。許之厚饗。惟敬等遣歸。使小西如安偕往。徵錄曰。豐臣秀吉譜曰。還韓二王子以下。清正厚視。臣秀吉譜曰。還韓二王子以下。清正厚視。俘囚皆感泣而去。韓人最畏清正。稱曰鬼上官。征伐記補遺錄○秀吉怒。諸將攻晉州。失利。遣淺野長政等傳旨。諸將攻晉州。城堅不拔。清正造龜甲車。牛革包之。載以死士。穿城足。樓櫓崩折。清正先登。諸將繼之。斬殺使徐禮元。殲六萬餘人。夷城地而返。醢禮元首。獻

秀吉議軍事

黑田官兵衛

德川大納言家康

前田少將

利家

之名護屋。秀吉稱清正功為第一。清正記如松召惟敬責之。惟敬見行長。讓其負約。行長曰。卿倡和而明兵大至。此卿賣我也。惟敬乃見石星。請撤兵。星奏罷之。如松引還。豐臣秀吉譜秀吉待惟敬報問。久而不至。謂惟敬欺已。召諸將議軍事。黑田孝高曰。聞兩先鋒爭功。相鬪。法令牴牾。衆莫知所從。而浮田宰相不能制之也。能堪此任者。德川前田若孝高而已。秀吉首肯之。謂家康曰。釜山諸將逗撓不進。我親征之本朝之事。盡委卿。家康翹然曰。殿下親征。我安獨留。請先往征之。淺野長政謂家康曰。公勿復言。臣視殿下

淺野左京大夫幸長

豐臣秀賴生

李松還國都

近狀。彼為野狐所憑。爾秀吉大怒。扣刀而踞曰。吾為狐憑。有說乎。無說則死。長政曰。方今海內苦於調發。漕運。殿下今日西征。明日亂作。臣固不辭死。甘伏斧鉞。秀吉不懌。而罷居亡何。肥後人梅水田民部叛。陷熊本城。秀吉大驚。急召長政曰。吾甚慙於汝也。命汝子幸長討賊。長政大喜。已而國人殺民部。幸長未發而亂平。豐臣秀吉譜○秋八月。夫人淺井氏生男。秀吉大喜。還大阪。名曰秀賴。太閤記○冬十月。李松還國都。懲錄○十一月。清正攻安康。破之。先是小西如安。齎秀吉書。與惟敬如明。明主疑而不納。舍之遼東。清正

修理太夫
秀成
新六郎重
正
大友氏亡

伏見城成
削關白秀次官
爵賜死

以其久無報。謂為明所殺。討之。至是如安至燕京。和議始成。朝鮮征伐記○是歲豐後國主大友義統坐不援行長。國除。流安藝。秀吉分豐後。授中川秀成。太田重正。初大友能直事源賴朝。為豐前豐後守護。子孫遂雄視鎮西。至義統相承二十二世而亡。大友記 同系圖
○三年甲午春正月。秀吉召還朝鮮諸將。獨留行長等守釜山。○二月。秀吉游吉野觀花。諸侯皆從。朝鮮征伐記○三月。又游醍醐觀花。命諸侯警衛道路。觀游之盛古今未有也。室町日記○是秋伏見城成。秀吉徙居焉。武德大成○四年乙未秋七月。關白左大臣秀次罷。公卿補任秀

頒新令六條

慶長元年
文祿五年

次淫虐暴行。殺戮無辜。世人稱曰殺生關白。秀吉逐之高野。尋賜死。收其子及姬妾數十人。斬之三條磧。瘞一坎。名曰蓄生塚。又毀聚樂。徙邸第于伏見。豐臣譜關原合戰誌○八月。秀吉謫右大臣藤原晴季于越後。公卿補任以秀次姻戚連坐。太閤記○秀吉頒新令六條曰。禁國郡主私嫁娶。曰。禁結盟樹黨。曰。禁鬪爭。曰。禁多畜侍姬。曰。禁留連飲酒。曰。禁壯年乘輿。又定九條。其三曰。凡賦官取三分之一。民取其二。○令所司代等捕縛強盜石川五右衛門及其母等二十餘人。烹殺之。三條磧。豐臣吉譜○慶長元年丙申秋七月。京畿地大震。

十一月廿七日改元 續王代一覽作十一月十七日

明韓使來奉金印冕服 豐臣家康 豐臣輝元 豐臣行長 豐臣秀家 豐臣長盛 豐臣三成 豐臣秀保 豐臣吉繼

伏見城壞。壓死數百人。家康夜率兵入衛。秀吉曰：「不知皇宮何如。吾當與卿省焉。」乃遽出。從者未屬。家康以其兵擁之而行。道路暗黑。秀吉脫刀授之曰：「吾老矣。覺刀之重矣。以煩卿也。」家康不敢執。乃授井伊直政。已而秀吉從兵踵至。遂入朝而還。太閤記 ○八月。明韓使到和泉。○九月二日。秀吉使毛利氏列兵仗。延明使楊方亨沈惟敬入伏見城。諸將帥皆坐。秀吉開幄而出。待衛呼叱。二使懼伏。莫敢仰視。捧金印冕服。膝行而進。行長助之禮畢。三日。饗使者。既罷。秀吉戴冕被袞衣。使德川家康前田利家等七人各被其服。

各授都督 僉事 右據明神 宗實錄 秀吉裂封冊逐 明韓使

再起征韓之役

小早川金吾中納言

命僧承兌讀冊書。行長私屬曰：「冊文與惟敬所說。或有齟齬。子且諱之。承兌不聽。入讀。至曰：『封爾為日本國王。秀吉變色立脫冕服。拋之地。扯裂冊書曰：『吾掌握日本。欲王則王。何待髯虜之封哉。』且吾而王如天朝。何乃召行長。併明使誅之。承兌救解而止。即夜逐明韓使。遂徵西南四道兵十四萬。再命西征。豐臣秀吉諸朝 鮮征 ○西洋船漂著土佐。曰：「至新伊。斯把爾亞。交易。遇颶船壞。秀吉命修治船舶。與米薪還之。太閤記 ○是歲始製金幣一分小判。是日慶長金。舊章錄 ○五年。始造一 ○二年。酉春正月。以小早川秀秋為元帥。毛

毛利甲斐守參議從三位

利秀元浮田秀家為副。黑田孝高充其參謀。兩先鋒及諸將皆如前役。使小西行長立功自償。秀秋秀吉姪。為隆景嗣子者也。豐臣秀吉譜○二月。加藤清正先入

李昞出奔海州

韓復竹島舊壘。連降機張梁山西生浦。行長改築釜山。為元帥府。韓王李昞奔海州。武德大成平壤錄○夏四月。

豐臣秀賴任權中納言。公卿補任○楊方亨還不告以實

至是始吐本末。委罪惟敬。斧星石星前後手書。明主

大怒。逮石星下獄。遂大發兵。以兵部尚書刑玠為總

藤堂和泉守

督。明史○秋七月。藤堂高虎加藤嘉明等攻韓將元鈞。於開山唐島大破之。平壤錄○八月。行長又破之。於加

黑田筑前守

副總兵解生

參將揚登

仙遊擊牛伯

蔚山之役

大雪

德斬鈞。進陷南海順天。遂與清正合攻。陷黃石城。又

攻韓將楊元於南原。走之。進入全州。明將陳愚衷敗

走。於是慶尚全羅二道盡定。明史平壤錄○九月。黑田長

政與明將解生。揚登山牛伯英戰于稷山。走之。○冬

十二月。明將邢玠麻貴。揚鎬將明韓兵數十萬。攻清

正圍蔚山。清正與淺野幸長堅守。不屈。鎬貴知其不

可力取。乃下令休戰。合圍十晝夜。斷我汲道。城兵飢

渴。皆嚼紙煎壁土。刺馬飲其血。馬盡。乃飲溺。夜出城

外。搜明人尸。取其所佩糗糧牛炙食之。天大雪。士卒

瘴瘞。有墮指者。豐臣秀吉譜德慈錄○三年。戊戌春正月。秀秋與

築京觀曰耳塚

置五大老三中老五奉行

又左衛門加賀大納言利家

右馬頭安藝中納言輝元

中村式部少輔

生駒雅樂頭初名甚

諸將分道救蔚山。敵軍解圍。清正出城追躡。大破之。
朝鮮征伐記 ○夏五月。秀吉遣使諭諸將。留清正行長及
 島津義弘等十餘帥。分守諸城。其餘罷歸。諸將報斬
 獲功。獻其所馘。秀吉命築京觀。號曰耳塚。豐臣秀吉譜平壤錄
 ○秋七月。秀吉疾病。托國事于德川家康。家康辭。乃
 置五大老三中老五奉行。以德川家康。前田利家。毛
 利輝元。浮田秀家。上杉景勝。為大老。中村一氏。生駒
 親正。堀尾吉晴。為中老。淺野長政。石田三成。增田長
 盛。長束正家。前田玄以。為奉行。參預謀議。曰。小事決
 奉行。大事決大老。若有大老奉行不協。則中老和解。

定七隊長

片桐東市

正小出樞磨

守木村長門

太閤秀吉薨

薄田隼人

正渡邊內藏

助速水甲斐

守伊東丹後

青木民部

之更命。利家輔秀賴。以片桐且元。小出秀正。為其傅。
 木村重成。薄田兼相。渡部尚副之。分親兵為七隊。各
 置其長。以速水守久。伊東長次。青木一重。真野宗信。
 中島氏種。野野村吉安。堀田高正。任之。○劉縱欲誘
 行長。執之。行長不往。○八月十三日。前關白豐臣秀
 吉薨。伏見城。年六十三。遺言曰。我即世。則先祕之。淺
 野長政。石田三成。速赴筑紫。使在韓諸將。悉歸本朝。
 莫使十萬兵士。為外土之枯骨也。言畢而瞑。豐臣秀吉譜
 ○九月。明將董一元。茅國器。帥兵十萬。攻義弘壘。夾
 晉江軍。義弘在新寨。不敢出。敵連拔三四壘。乘勝直

少輔 眞野豐後
守 中島式部
少輔 野野村伊
豫守 堀田圖書
助 秀賴 徒大阪
島津兵庫
頭 義弘
又 八郎忠
恆 後中納
言 家久
細 川越中
守 參議三
位 忠興号
三齋

來新寨。義弘與子忠恆奮擊。大破之。追奔斬首二萬餘級。明兵伏尸二百餘里。既而秀吉之計至。諸將整軍歸。○冬十一月。諸將至。自朝鮮謁秀賴。豐臣秀吉譜○是歲。削蒲生秀行封。徙宇都宮。封上杉景勝於會津。秀行氏鄉子也。○四年。己春正月。前田利家奉秀賴。徙大阪。家康在伏見。代秀吉視天下之事。與前田利家等論西征諸將功。奏賞之。三成長盛相謀曰。德川與前田協心出政。我輩徒為其所驅役。方今之計。莫若間二家。二家已間。乃可以逞。乃二人離間之。二家由是有隙。既而細川忠興調停之。武德大成○三月。家康

加賀中納言肥前守利長

豐國大明神

豐國大明神

家康徙大阪

如大阪。三成行長等將襲之。前田玄以沮格之。關原合戰誌

○閏月。前田利家疾病。奮曰。天下洵吾不目嗣君。成立而死。死不瞑矣。遂卒。子利長嗣。○加藤清正

淺野幸長。福島正則。池田輝政。黑田長政。加藤嘉明

等。與三成不協。合謀將誅之。家康和解之。諸將不聽。

乃罷三成職。屏居其邑澤山。武德大成○三成密與上杉

景勝謀約。竅明歲東西舉兵。以討家康。關原記大全○夏

四月。建秀吉祠於東山。詔賜號豐國大明神。豐臣吉譜公卿補

○秋七月。輝元秀家景勝利長。及其餘諸將。皆

歸國。關原記大全○家康徙居大阪。西城。○冬十月。

家康徙居大阪。西城。○冬十月。

大野修理亮
土方勘兵衛
河內守

上杉景勝數家
康
鳥居彦右衛門
松平五左衛門
松平主殿頭

家康流大野治長於下野。土方雄久於常陸。屏居大野長政於武藏。下令北伐。前田利長質其母。先是有流言。治長雄久等援利長。以圖家康。家康怒黜之。○五年。庚春二月。毛利輝元至大阪。與家康約曰。自洛以東君制之。洛以西吾制之。協心勦力。以輔嗣君。家康從之。既而輝元歸國。○家康屢促景勝入觀。景勝答曰。我受大閤遺旨。鎮守東陲。何受家康令也。乃數其背盟十罪。家康大怒。東伐。至伏見。命鳥居元忠。松平近正。松平家忠。內藤家長。守之。○夏五月。家康發伏見。細川忠興。京極高知等皆從。兵凡五萬餘人。德武

內藤彌次
右衛門
京極丹後守
石田三成舉兵

小野木縫殿助
京極若狹守

德川中納言秀忠
伏見城陷

大成 ○石田三成至大阪。與增田長盛。長束正家等議移書遠近。曰。家康有罪。嗣君命討之。苟念太閤恩誼者。宜來戮力。諸侯來會者四十餘人。為應援者二十六國。兵凡九萬三千。三成乃推毛利輝元為盟主。遣浮田秀家。小早川秀秋。島津義弘等。攻伏見城。小野木重勝等。攻田邊城。毛利秀元等。攻阿濃津。京極高次。徇北陸。關原合戰誌。○秋七月。家康至下野。小山鳥居元忠。馳使告變。家康引軍還江戶。畱秀康於宇都宮。使當景勝。自將西征。家康自海道。秀忠自山道。武德大成。○八月。伏見城陷。初。外城已陷。元忠之卒關原記。

雜賀孫一

鳥居元忠戰死

其老木造
壹忠

勸其自殺。元忠曰：未也。殺敵一人，亦非報國乎？乃嬰壁亂射，殺傷過當。敵發火箭，焚樓櫓，隨撲隨燎。元忠知不可守，麾兵二百開門，血戰七合，七克。敵衆群起，城兵皆斃。至廝養之卒，無不戰死。元忠杖薙刀，踞階而息。敵人雜賀重次進欲擊之。元忠曰：吾本城大將也。授汝首，重次橫槍，揖曰：僕豈敢君請自刃。元忠乃使重次釋己鎧，自割服而死。年六十二。重次到而裹之，并近正等首，傳于大阪。○岐阜城主織田秀信為三成城守。其老諫曰：公與德川有姻婭親，小牧之役舉國翼我，為今計者，莫如絕三成，以親德川。秀信不

關原之役

刑部少輔
吉隆一作
吉繼
平塚因幡
守
脇阪中務
少輔
朽木河內
守
長東大藏
大輔

聽。三成修大垣塹壘，以為根據。○九月十四日，三成出軍關原。秀家、義弘及小西行長、僧惠瓊等背伊吹山而軍。大谷吉隆、平塚為廣軍。其後，小早川秀秋軍松尾山，脇阪安治、朽木元綱軍山下。毛利秀元、長束正家拔阿濃津來軍，南宮山騎卒凡十二萬八千。武德○十五日黎明，家康進陣關原，騎卒凡七萬五千。福島正則為先驅，細川忠興、黑田長政、藤堂高虎相繼而進。會天大霧，咫尺不可辨。及霽，正則衝秀家軍。黑田長政冒三成軍，忠興擊義弘軍。本多忠勝指麾諸軍，敗三成義弘軍。既而兩軍大戰，而秀元、秀秋按

西軍大敗

下野公子
忠吉
井伊侍從
直政

兵不動。先是秀元秀秋與安治元綱等密送款關東。至是秀秋下山直突吉隆軍。安治元綱等合勢應之。吉隆遂敗死。兩軍接戰。自辰至申。西軍大潰。東軍乘勝追北。斬獲三萬二千餘。原草為赤。三成行長走匿伊吹山。惠瓊匿鞍馬。關原合戰誌家康攻澤山拔之。以三成不在。縱兵捕三成行長等。此役也。松平忠吉與井伊直政先登有功。及西軍既敗。忠吉與直政謁家康。直政大稱忠吉功。曰：俊鶻生名雛。真不虛也。家康笑曰：由鷹師之良耳。岩淵夜話軍次草津。天皇遣使勞之。武德大初秀忠至上田。真田昌幸據其城拒守。攻圍旬餘。

三成行長伏誅

立花左近
將監
景勝出降
修理大夫
龍伯義久

勘解由孝
高入道号
如水軒

城堅不拔。遂解去。至是會家康於草津。家康不驩。冬十月。誅石田三成。小西行長。僧惠瓊。梟首三條磧。關原記關原合戰誌削毛利輝元八國。安藝備中備後因幡伯耆出雲隱岐石見周防長門二國。收浮田秀家三國。備前備中秀家奔薩摩。捕流八丈島。放織田秀信。增田長盛。真田昌幸父子於高野山。徙立花宗茂於陸奥。義弘歸國。兄義久囚之。降上杉景勝。佐竹義宣亦出降。加藤清正初知三成必舉事。止家康東行。不聽。乃歸其國。逢大阪檄。至曰：是佞豎託幼主以濟其私也。乃發兵攻小西行長。城邑盡分之。會黑田孝高平定西海。南海亦繼定。

家康關東八國
為根據

參河守秀
康
下野守忠
吉
奧平美作
守
石川左衛
門大夫
酒井宮內
大輔
內藤豐前
守
松平左馬
允
本多豐後
守

武德大成 ○十二月以前關白左大臣兼孝為關白公卿補任
御湯殿 日記 ○家康以關東八國為根據之地居江戶城

封松平秀康於越前松平忠吉於尾張井伊直政於
近江澤山本多忠勝於伊勢桑名奧平信昌於美濃
加納石川康通於其大垣酒井家次於上野高崎內
藤信成於駿河府中松平忠賴於遠江濱松本多康
重於參河岡崎為內藩其餘盡為外藩封前田利長
於加賀能登越中加藤清正於肥後小早川秀秋於
備前美作福島正則於安藝備後黑田長政於筑前
池田輝政於播磨細川忠興於豐前淺野幸長於紀

田中兵部
少輔
中村伯耆
守
山內對馬
守
蜂須賀長
門守後阿
波守
生駒讚岐
守
金森出雲
守
有馬玄蕃
頭
德永石見
入道
一柳監物
富田左近
將監

伊田中吉政於筑後京極高知於丹後若狹中村忠
一於因幡伯耆堀尾吉晴於出雲隱岐山內一豐於
土佐蜂須賀至鎮於阿波生駒一正於讚岐加藤嘉
明於伊豫大洲藤堂高虎於其今張金森可重於飛
驒有馬豐氏於丹波福智山德永壽昌於美濃高須
一柳直盛於伊勢神戶富田知信於其阿濃津古田
重恆於其松阪筒井定次於伊賀真田信幸於信濃
上田池田長吉於因幡鳥取戶川達安於備中庭瀨
木下延俊於豐後日出給薩摩大隅日向于島津忠
恆長門周防于毛利秀元肥前于鍋島勝茂令諸冒

古田兵部少輔 筒井伊賀守
荷蘭始互市 佐渡國始出銀
真田伊豆守 池田備中守
戶川肥後守 木下左衛門大夫
家康加供御之地

豐臣氏者皆復本姓而秀賴唯食攝津河內和泉七十六萬石而已。武德大成續 王代一覽○是歲荷蘭船始至通互市。史逸○佐渡國始出銀初上杉謙信稍得坑礦採為軍資秀吉聞之徙上杉氏封搜之未得而薨至是發鑛取之。錄 舊章○六年辛丑春正月家康在大阪西城秀忠在外城入見秀賴於牙城列侯諸將亦入西城賀正。續王代一覽○三月伏見城成家康徙焉。○夏五月家康奏加供御之地及廷臣食邑給豐國廟以一萬石其他寺祠皆給采田初本願寺光佐助豐臣秀吉西伐誘其門徒通薩摩之道以功建寺于京師六條

光壽教如上人
光昭順如上人
顯尊為興正寺門跡
建東本願寺

上杉權中納言
蒲生忠三郎後飛彈守

家康為征夷大將軍

光佐死三子光壽顯尊光昭光昭以遺命為法嗣及家康東伐光昭光壽送之為石田三成所沮光壽獨間行而達歸匿京師已而家康西上光壽迎之大津家康乃為建一寺于本寺東令天下門徒分屬東西關原記本願寺嫡庶實記○秋八月削上杉景勝封賜米澤之地三十萬石賜會津於蒲生秀行。御年譜○是歲石見鑛出黃金又造大小判一分銀丁銀豆板。五事畧○七年寅春二月家康往大阪賀正尋還伏見後以為常。御年譜○八年癸卯春二月以德川家康為征夷大將軍進右大臣其餘親戚將吏叙任甚多。公卿補任家康入朝拜

命天皇賜酒曰天下亂久矣汝能略定之朕執汝功

使舉乃祖之職宜統我師以鎮護王室時慶○夏四

月豐臣秀賴為內大臣公卿補任○秋七月家康以孫女

嫁秀賴秀賴時年十一女甫七歲稱千代姬大久保

忠隣從之秀賴令淺野幸長迎之○冬十月家康封

十男賴宣於常陸水戶藩翰○九年甲辰春二月家康

命東北三道定道程植埃樹以三十六丁為一里已

而西南四道皆例之落穂○冬十一月關白兼孝罷

公卿補任○是歲藤堂高虎倡議使諸侯置邸及質于江

戶相良氏首納其母衆繼之逸史○十年乙巳春二月家

大久保相

摸守

淺野紀伊

守

紀伊大納言賴宣

定道程植埃樹

家康與朝鮮和

康入朝梵釋日記見韓人孫文或令諸道檢韓俘反之先

是家康謂對馬守宗義智曰豐臣氏伐朝鮮非我所

知我與彼皆無怨仇彼苟欲入貢我當許之然非自

我求和子體此意往試計之義智遣使諷之朝鮮朝

鮮大喜使孫文或請入見且求還其俘囚義智乃率

至京師至是家康謂義智曰吾將老矣貢使至致之

江戶且曰吾欲舉鎌倉禮使秀忠拜賀期在近宜使

韓人觀其儀也乃賞義智以肥前田二千石殊號○

三月德川秀忠率東國諸侯西上陪從十萬餘人○

夏四月家康辭大將軍以秀忠為內大臣補大將軍

秀忠為大將軍

南蠻始貢烟草

修拓皇宮

修江戶城

島津忠恆冒松平氏

自是世稱家康曰大御所孝亮記續○豐臣秀賴為

右大臣○秋七月左大臣藤原信尹為關白公卿補任○

是歲南蠻始傳烟草種民喜樹之烟管製造徧天下

秀忠憎其亡益禁之史逸○十一年丙午春正月家康令

諸侯修拓皇宮十三朝紀聞○三月大修江戶城使藤堂

高虎率池田福島加藤黑田淺野細川等十五家助

工御年譜國史實錄○夏五月高臺夫人建一寺於東山以

祈故太閤冥福名曰高臺寺墓碑銘○秋九月江戶城

成宏壯稱天下第一家康賞高虎功以備中地萬石

是月使島津忠恆冒松平氏且賜偏諱改名家久自

近衛關白

信尹

鷹司關白

信房

禁永樂錢

內藤豐前

守

家康駿府

天野三郎

兵衛

尾張權大

納言義直

是諸侯多倣之藩翰譜續○冬十一月關白信尹罷

左大臣藤原信房為關白公卿補任○十二月禁永樂錢

初自足利氏聘于明多用永樂錢於是以鑿錢四換

永樂錢一遂用鑿錢艸廬筆談○是歲家康欲老駿府徙

駿府城主內藤信成于近江長濱○十二年丁未春正

月課海道及關西諸侯城於駿府○三月天野康景

與井手甚助諍棄封邑亡命御年譜○夏四月封德川

義直于尾張義直家康第九子也藩翰譜○中納言秀

康卒秀康英明大得民心及疾遣女使於駿府乞增

祿家康與一書曰嘗欲加近江及下野為百萬石以

朝鮮來聘是為始

定延曆寺式目

九條忠榮

林信勝為幕府顧問

疾瘳女歸以告之女使歸途遇計更至駿府返書
 曰是內旨也不可漏越人聞之悔憤落穗集○或曰幕府忌其英明
遣一美女其女有瘡毒秀康遂不起○五月朝鮮使者呂祐吉等至江
 戶獻書及方物又至駿府謁家康自是永為隣交每
 將軍禪代必來聘御年譜續○十三年戊申秋八月家
 康定延曆寺禁式六條御朱印記○冬十二月關白信房
 罷以右大臣藤原忠榮為關白公卿補任○家康開經筵
 以博士林信勝為講官信勝以該博強記聞家康嘗
 試問史子疑義數條應答如響剖拆不遺遂聘為儒
 員以備顧問君臣言行錄○十四年己酉夏五月島津家久

豐後守忠久

島津家久奉教征琉球

新納刑部樺山美濃

琉球王降

定伊勢神宮改造期

擊琉球降之家久遠祖忠久之封薩摩也攝管南海
 十二島琉球其一也及中國爭亂琉球不來貢於是
 家久奉幕令招琉球不至遣其將新納一氏南伐樺
 山久高為先鋒抵東求島執其戍兵三百進攻灘巴
 津虜以鐵鎖聯船扼守津口而津傍有山險多蛇蝎
 虜恃不置戍我軍放火赭山而上遂取要溪灘轉攻
 虎築城拔之五戰而至國都琉球王尚寧面縛出降
 擒王子大臣數十人置戍而歸家康以琉球賜家久
 為其臣隸通航一覽御年譜琉球征伐記○秋八月伊勢兩宮成巫
 祝爭遷宮前後各引舊典訴之敕使家康決之九月

奉幣於神宮。先遷皇太神宮于正殿。後奉豐受太神宮於正殿。自天正壬午歲改造兩宮。二十五年於茲矣。於是。以二十一年為改造之期。定為永興。神鏡記談御湯

富田信濃

守筒井伊賀

有馬義純擊南蠻船沈之

修理亮義

純

左衛門佐

直純

殿日。○家康徙富田知信于伊豫。宇和島。先是伊賀城主筒井定次以淫虐收封。至是以伊賀伊勢賜藤堂高虎治于阿濃津。藩翰譜○冬十二月。命有馬義純父子擊阿媽港船。沈之。先是港人掠略我賈船。殺三百人。三人逃歸告變。至是港人來長崎。義純請討之。蕃船逃去。會颶風。船泊硫黃島。義純直純發火箭而討之。箭中硝庫。蕃船忽焚溺。家康賞賜佩刀。御年譜藩翰譜

水戶中納言賴房

定諸侯會同期

禁造戰艦

板倉伊賀守

城名護屋

再造方廣寺

琉球來聘是為始

○華夷通商考作慶長二年十二月。○家康封十男賴宣於駿河遠

江。十一男賴房於水戶。御年譜藩翰譜○是歲諸侯妻子盡

至江戶。令其會同者。隔年交代。著為永制。禁西諸侯

造戰艦。逸史○十五年。庚戌春二月。詔豫期二月讓位。命

諸司設儀衛所。司代板倉勝重私奏曰。將軍亡女。愁

歎殊甚。請以延期。帝弗懌。孝亮記○封松平忠輝於越

後。藩翰譜○三月。家康為義直。城名護屋。課諸侯助役。

君臣言。○夏六月。豐臣秀賴再造方廣寺。以片桐且

元董役。孝亮記○秋八月。島津家久攜琉球王尚寧來

駿府。謁家康。琉球來聘是為始。御年譜太平年表○冬十月。

又禁喫烟艸

又禁喫烟艸孝亮記○十二月。明人周惟如來。請禁海

盜。乃賜書曰。汝等來我邦。宜任意互市。若有姦盜者。

我即戮之。續王代一覽○十六年。春二月。家康入

朝。朝旨欲以家康為太政大臣。辭不拜。奏請祿祖考。

乃追贈源義重鎮守府將軍。源廣忠大納言。御年譜

○家康使人謂豐臣秀賴曰。自結婚。未相見。恐生物

議。願一來以定衆情。淀君不欲。加藤清正。淺野幸長

曰。臣輩以死守。郎君必無患矣。乃遣秀賴。家康享之

二條城。饗畢而還。御年譜○帝禪位于皇太子。皇胤

續錄。元和三年八月崩。壽四十七。孝亮葬泉涌寺。藏御

大炊助義
重
二郎三郎
參河守廣
忠

三月二十
七日禪位
八月廿六
日崩

骨於深草法華堂。皇年代畧記皇胤紹運續錄

後水尾天皇諱政仁。後陽成帝第三子也。母中和門院

藤原氏。關白前久之女。皇胤紹運續錄慶長十六年三月。踐

祚。時年十六。仍用慶長號。孝亮○夏五月。家康令諸

侯。修上皇宮。多置供御之田。又檢御府所亡失祕書

寶器。索流傳世間者。悉獻之。國史實錄○六月。肥後國主

加藤清正卒。子忠廣嗣。清正赴江戶。多士卒。又必過

省。秀賴因置邸於大阪。如故。時男子必剃其鬚。而

清正長鬚。自喜。家康謂之曰。以予觀於公。有可去者

三。長鬚一也。大阪邸二也。東行從兵三也。清正曰。吾

紀元二千二
百七十一年

辛亥歲三月廿
七日踐祚四月
十二日即位

修上皇宮

虎之助肥
後守忠廣

阿媽港人請互市

戎服著銅面有髯以為之籍則肅然無有搖動之患。撤大阪邸是弃大閣舊設不以兵自從。緩急不及事皆不可去也。駿河土產清正記○秋八月阿媽港曾

東魯訥來謝請互市許之○京師人田中莊助曰臣

聞海東八九千里有國曰新伊須把爾亞多產黃白

金請一往試之乃遣之至是歸獻五色羅紗及蒲桃

酒等君臣言行錄○九月島津家久設條約十五條授尚

寧及三司官尚寧等呈誓書曰永世隸薩摩惟命是

從無敢有貳南聘紀考○家康禁耶蕪教天正中豐

臣氏雖禁之流傳之久汚深甚深文祿中以外征多

島津家久設條約十五條授琉球王禁耶蕪教

二十餘國互市

事禁罔頗弛及爭亂定互市大啓蠻教又盛於是荷

蘭人耶揚子上變曰洋人非特弘其教實包藏禍心

其意在不測家康大驚禁之命南禪寺僧崇傳改歸

佛教不從者處以流斬時夷蠻入貢乞互市者二十

餘國乃以長崎為互市場禁他港碇泊崎陽拾芥○先是

京師豪商角倉貞順疏鑿西川上流通丹波之漕又

鑿高瀨川達伏見至是功成尋通甲斐駿河之漕民

皆便之君臣言行錄○十七年壬子夏六月將軍秀忠關

武藏野為市廛徙京師大阪及堺豪商實之逸史○關

白忠榮罷右大臣信尚代之公卿補任○秋九月明鄭芝

貞順一作光好

關武藏野

鷹司信尚

鄭芝龍歸化

有馬修理

大夫義純

一作晴信

大野修理

亮

木村長門

守

薄田隼人

正

織田侍從

有樂

定文臣法五條

始置老中

本多上野
介正純

龍歸化詣駿府獻藥物史逸○有馬義純修邪蕪教家

康捕賜死有馬家譜○十八年丑癸春正月家康命三十七

諸侯修皇宮御年譜○家康使秀賴加片桐且元大野

治長祿各五千石時且元與木村重成薄田兼相及

七隊長以遺命保護秀賴治長淀君乳母子織田長

益淀君季父也以故皆見親信寢與且元相軋秀賴事記

○夏六月家康定文臣法五條其一曰公卿日夜學

問勿懈御年譜○冬十月家康始置老中大久保忠鄰

本多正信土井利勝安藤重信酒井忠世為江戶老

中本多正純成瀨正成安藤直次為駿府老中分執

天下諸政安永武鑑一本續王代一覽○是歲伊達政

宗造巨艦使其臣支倉常長等百八十餘人航南蠻

金城○諳厄利亞始至平戶交易十年而止殊号○

十九年甲寅春正月定虛無僧式目十一條初僧覺心

入宋建長六年八月歸朝寶伏僧怒國作理正共來

弘普化宗嘉慶中楠正勝被絡莞圓笠吹管游化世

稱虛無者至是設其宗則禪宗普化派畧寺社奉行所相談書畱○放

大久保忠鄰于彥根沒其封毀小田原外郭逐其士

臣藩翰○二月五日彗星見東方是日大阪天主閣

有黑氣衝天狀如狼烟衆趨救則無見秀賴命韓人

諸厄利亞來

定虛無宗式目
十一條

板倉伊賀守
家康修朝廷舊章
豐臣秀賴鑄巨鐘

李文長筮之遇否之謙文長占以易林其貞曰泰爲虎狼與晉爭強并吞其國號曰始皇其悔曰人面鬼口長舌如斧斲破瑚璉殷商絕後秀賴大懼用幣於巨祠名利禳之○秀賴已長群臣欲狹以復舊業大野治長渡邊尚等爲謀首竊散金帛募士所司代板倉勝重覘知之以報駿府事記○三月家康大修朝廷舊章獻之並定江戶及列國縣邑制度以行之東遷○夏四月秀賴鑄方廣寺巨鐘使東福寺僧清韓基業銘之孝亮○秋七月方廣寺成秀賴將親往落焉遣片桐且元告之駿府家康戒以源賴朝落東大寺儀

家康讀鐘銘

林蘿山
南光坊天
海
片桐東市
正

且元復命卜八月三日及期公卿以下皆會會家康讀鐘銘至國家安康之句怒曰是斷截我名也序文有大小釋迦迭爲主伴之語益怒曰是咒詛我也秀賴何爲至於此乎召林信勝僧天海問之曰大阪反側日久意實不可測乃馳駟命板倉勝重詰其文意且停慶儀且元曰是奉行之罪非主君所知也今大儀將成衆人已聚而遽停之恐驚人目願畢禮然後毀滅銘文甘心伏誅勝重不肯曰是成詛也遂停慶儀物情騷然秀賴事記○且元責問清韓清韓不服乃使清韓赴駿河陳謝而自與弟貞隆大野治長繼赴之

板倉內膳正

二女使
乳母大藏
尼正榮

家康責問且元

家康執清韓命板倉重昌如京師令五山僧註疏鐘銘僧多証其詛且元至鞠子驛家康拒而不入遣歸貞隆治長而獨召且元詰問之且元陳謝甚力淀君又使二女赴謝家康厚饗之溫言慰籍不復及銘詞二女大喜與且元皆告歸上途家康獨留且元東遷基業難波○九月使本多正純僧天海責且元曰前將軍意終不可解右府何以爲信且元請其旨不答且元曰請赴江戶取將軍旨一人白焉既而正純出曰將軍意亦與我同耳卿歸而圖之且元遂辭去馳及二女於土山驛曰前將軍逼我以右府表信吾揣其意

且元建三策

且元奔茨木

大野修理亮

秀賴大募兵

蓋有三策焉。避大阪徙他下策也。右府托姻婭東行中策也。淀君東與妹氏同居上策也。三策行一庶幾無事。二女不言退而相言曰。東旨豈至於此。是片桐欲賣我君也。先歸具言。淀君大恚曰。吾雖太閤妾也。於右府爲生母。何屈辱關東哉。寧與右府枕城而死。乃欲誅且元舉兵。且元舉族奔其邑茨木德川記難波戰○冬十月。大野治長等勸秀賴移檄四方。所在潛匿者。諸國亡命者。爭先來聚。城中步騎至六萬人。然有土將士無一人應者。治長颺言曰。雖諸侯伯不至。通款於我者多矣。東軍雖多不足患也。遂修守備。

藤堂和泉
守 井伊掃部
頭 本多美濃
守 下總守忠
明 隆 武藏守利
左衛門督
忠繼 官內少輔
忠雄

淀君亦自擐甲跨馬巡視諸營。難波戰記○家康戒嚴以
藤堂高虎為先鋒親將中軍東海諸侯從之。秀忠督
關東及奧羽兵繼之。井伊直孝攝軍而行。逸史○十一
月。藤堂高虎本多忠政次大仙陵。松平忠明軍於飯
盛。德川記淺野長晟軍於勝間。大阪記總兵凡五十萬。十
七日。家康發京師軍於住吉。秀忠進軍於平野。落穂集
佐竹義宣上杉景勝本多忠朝自鷓野。前田利常自
玉造。松平忠直繼之。蜂須賀至鎮自今宮。池田利隆
池田忠繼。京極忠高自牧方。水陸相繼至。大阪記○城
將謀議不一。互生嫌疑。遂以其部下出城者衆。矢野

京極若狹
守 明石掃部
助 淺野但馬
守 鷓野戰
上杉中納
言 渡邊內藏
助 今福戰
佐竹右近
大夫 木村長門
守 後藤又兵
衛

正倫築寨於今福。飯田家貞壘於蒲生。井上賴次屯
於鷓野。以拒東軍。○蜂須賀至鎮。襲穢多崎。守將明
石守重戰敗而走。池田利隆。淺野長晟。戰福島新家。
九鬼嘉隆宵奪軍艦。守兵死之。○上杉景勝攻鷓野。
井上賴次。渡邊尚等拒戰。賴次死之。衆潰入城。景勝
截大和川西岸。植柵設銃。七隊長及治長等率萬餘
騎。擊景勝奪其外柵。東兵發銃齊進。城兵死者數十
人。○佐竹義宣攻今福。守將矢野正倫。飯田家貞死
之。義宣前入片町。城將木村重成。後藤基次。聞急馳
至。重成奮戰。躬冒矢石。指揮士卒。令一銃手徑水田

堀尾信濃守
丹羽參議

基次燔寨收兵

花房助兵衛

本多伊豆守
加賀中納言利長

橫擊基次亦泛舸於澤中。放銃擊義宣。義宣敗走。今福渡邊尚躡之。義宣殊死戰。會堀尾吉晴。丹羽長重來援。重成遂收兵而還。德川記秀賴事記 ○天皇遣使德川營慰勞家康。秀忠御年譜 ○城兵議曰。諸砦失守。敵兵稍迫。宜撤天滿船塲。戍戮力本城也。乃遣基次。燔寨收兵。基次伏壯士。誡曰。備前兵必先至矣。汝等擊之。勿失。池田忠繼望烟將馳。其老花房職之諫之。伏兵無功而歸。基次曰。是花房止之也。大阪記 ○十二月。越前先鋒本多富正引兵而進。會朝霧四塞。城中失火。富正謂城中有內應者。急攻之。井伊直孝。前田利

幸村守偃月城

毛利少將
福島備後守

本多上野介
後藤庄三郎光次

長薄。偃月城。真田幸村善拒。利長不利而退。真田日記 ○家康徙營於茶臼山。秀忠徙於岡山。令毛利秀就。福島正勝。以土豚壅淀川於長柄。大和川於鳥飼。數日而外湟皆涸。諸軍起煙樓。瞰城中。家康令諸軍放銃鼓躁者。三夜城中震駭。又令諸軍射書城上曰。降者有賞。於是人人疑懼。難波軍記 ○家康欲議和。弭兵。令本多正純。貽書城中。又使賈人光次往請和。秀賴會諸將議之。後藤基次進曰。外無應者。而內有貳者。以有貳之兵。守無援之城。城內糧仗雖多。不足恃也。不若速講和。以爲後圖。秀賴不聽。織田長益。大野

家康以三件議和

治長入說淀君曰敵已迫矣危在旦夕而彼倡和是天祚我也家康已耄彼而死東方當一舉而定矣今收兵為後圖洵為上策淀君以為然遂使人依本多正純以成和家康約曰撤外壘填周池否則可徙於郡山焉家康秀忠巡視至天滿城中望旂幟將發大煩基次止之曰丸不達矣且二將所謂天授無自速禍也難波戰記○秀賴使人報家康曰撤壘填池謹聽命矣敢請為客兵加食邑家康作色曰客兵我仇也釋之恩已多矣何與采邑以養之遂逐使者及晡使復至曰願避城徙封易攝河泉以阿讚豫家康曰

左衛門佐幸村
隱岐守信尹

備前島大煩毀閣第二層

易以房及二總淀君不欲東議乃止難波軍記逸史○家康嘗令真田幸村叔父信尹招幸村幸村謝曰見危舍義丈夫所不為也於是城中訛言基次幸村皆有貳心衆心益動真田記○天皇遣使傳詔旨於家康曰卿以耄耄冒風雪蒞戎事朕一人以憂之宜還於京師以休息焉天使私之曰即欲和議論秀賴成之如何家康替首曰軍旅臣之職至和議臣自能修之不以勞聖慮敢辭秀賴事記大阪記○淀君登天主閣以眺東軍營壘四起旌旗翻空淀君大驚會備前島軍發大煩中閣第二層楹椳摧折侍婢齏粉淀君震怖而下急

治長議和

長益子武藏守尚長
治長子信濃守治德
成瀬隼人
正安藤帶刀

召長益治長議和落穗集秀秀賴不聽曰吾固以此城為死所也何和之為秀賴事記先是家康令女監阿茶如京師迎京極高次母常光尼常光尼淀君之妹也是日常光尼入城諭秀賴秀賴不得已而和焉落穗集逸史明日長益治長出子為質秀賴使木村重成出蒞誓家康使板倉重昌入蒞誓諸軍皆撤圍乃發卒填塹本多正純成瀬正成安藤直次董之役夫已墮羅城堙空壕而及內湟治長大愕馳見正成曰所約止外郭塹壘而已何見迫之甚乎正成曰我唯聞填周池之命未聞有內外之別也且天下已平何用濠塹

家康集僧徒騰寫記籍

元和元年慶長卅年

如欲存之豈無異志哉治長不能對而去正成益發役夫日夜督責塹壘悉夷所存唯牙城一湟而已德川
記落穗集○家康入朝天皇慰藉甚篤家康奏曰朝廷典儀廢弛日久請按舊籍以補闕漏於是釐正白馬踏歌節會及准后親王爵祿著為永制落穗集大阪初家康之入京也命林信勝僧崇傳求公卿庶尹記籍令曰今日祕而不出者皆廢為故紙於是遺書多出乃使五山僧五千人開局謄鈔家康上書請假御書上皇發祕府授之至此謄成納其一於御府秀賴事記逸史
○元和元年卯春正月家康發京師歸於駿府秀忠

七月十三日改元

家康秀忠東歸

秀賴再募兵

小幡勘兵衛

松平隱岐守

青木民部少輔

入京師尋歸江戶諸侯皆罷就國御年譜○二月秀賴潛傳檄募兵曰大阪金城也去歲之冬圍以天下兵猶不能拔焉先公威靈之赫亦可以見也今欲再舉以圖恢復有志之士宜來而輔我之不逮也於是四方士復稍聚江戶人小幡景憲有罪亡命大野治長欲用之景憲陰與板倉勝重松平定勝約而往治長告以密計景憲因勝重定勝以通駿府於是大阪事情悉洩而秀賴不之知也逸史○三月秀賴遣青木一重及常光尼正榮尼於駿府請賑群臣時德川義直將娶淺野氏家康曰尾州婚期在近也山東婦女不

伊東丹後守

松平上總介
黑田筑前守
加藤左馬助

嫺禮節汝等幸往監婚畢則吾西上以議其所請乃遣之尾張特命止一重秀賴又遣伊東長實伺察東事亦不歸衆情疑懼秀賴事記秀賴謂幸村基次曰嚮雖與江戶講和事勢今如此不可徒止也然我幼冲未熟弓馬之道若及死期而躊躇卿等其扶翼之莫使貽汚名於後世也秀賴親巡視城內秀賴事記兵士合新舊僅十五萬人逸史○家康召諸道兵令秀忠部分之松平忠輝不喜處守黑田長政加藤嘉明亦請從皆許之時京師訛言大阪之人火京師以為戰地物情騷然所司代板倉勝重以告家康乃使井伊直

大野治房燔法隆寺村

筒井主殿

助

松倉豐後

守

孝本多忠政。藤堂高虎。松平忠明。屯東寺及淀。以護衛京師。訛言乃止。秀賴事記逸史○夏四月。大野治房率兵五千入大和。燔法隆寺。侵掠郡山城。將筒井定慶走。松倉重政以兵五百備之。治房不戰而退。重政尾擊殺十餘人。軍記難波○家康至名護屋。召大阪之使。曰。聞右府復聚兵。兵多則食乏。固其當也。吾將往驗其虛實。因猶留一重。遣常光尼等再諭弭兵。曰。避大阪。徒於他則聽其所請。淀君欲許之。秀賴作色曰。弓馬之事。非婦女子所議也。秀賴事記於是城中大議戰備。真田幸村曰。城壁不完。柵池不整。而侯伯無一人送款者。

增田右衛門尉

家康入京師
金工賈人
光次

長曾我部
宮內少輔

坐受大兵。非謀也。請速入京師。狹天子以號令四方。長曾我部盛親。後藤基次皆贊之。秀賴弗聽。增田長盛曰。此城三面帶水。而南為平原。東軍之來。必自南矣。臣等率精兵直衝其中堅。天若昨於我。必勝矣。議決。乃柵於羅城故址。鑿舊湟一尺許。設二重墉。以為固。○家康入京師。常光尼報命。又使後藤光次如大坂。講和不應。○秀賴使後藤基次於道明寺。真田幸村於平野。其子大助及族信連於天王寺。木村重成於若江。長曾我部盛親於八尾。久寶寺。薄田兼相於大和口。榎島重宗。井上時利。北川宣勝等於玉造。御

御宿勘兵衛越前守

速水甲斐守

大野道犬齋

石川主殿頭

東軍入河内本多出雲守

宿正倫多田滿範大谷吉胤渡邊尚森勝永石川數

矩福島正守於茶臼山大野治長於岡山以防東軍

堀田勝喜速水時之眞野賴包野野村雅春中村氏

種爲游軍難波軍記大野道見略近邑縱火於堺浦

會東將九鬼守隆向井忠隆等至道見急收兵阪大

記逸○家康令石川忠總守高槻池田利隆松平忠

繼屯尼崎山陽山陰兵自神崎南海兵自和泉松平

忠輝自大和口仙臺及大和伊勢美濃諸軍隸之上

杉景勝次男山護京師於是先鋒藤堂高虎自淀井

伊直孝自伏見榊原康勝本多忠朝自竹田皆入河

塙團右衛門

淡輪六郎兵衛

岡部大學

譽田林戰

松倉豐後守

堀丹後守

水野日向守

丹羽勘助後式部少輔

内○大野治長塙直之淡輪重政岡部則綱率兵三

千至和泉與東將淺野長晟戰於檜井而敗直之死

之治長適在佐野聞急赴援不及而還難波軍記○

五月五日家康秀忠發京師令曰諸軍齋三日糧逸史

○後藤基次曰敵已迫矣諸君宜爲之備率所部南

出夜半過平野失途至古市曰前有一帶水後有譽

田林宜畱戰於此黎明登片山放銃走東將松倉重

政會堀直寄來援重政反戰城將薄田兼相渡邊尚

援之水野勝成丹羽氏信亦來援連戰未決本多忠

政松平忠明及仙臺片倉景綱來擊基次基次盡亡

松平下總守
片倉小十郎
後藤基次戰死
大谷大學

安藤長三郎
幣木村長門守
矢尾堤戰

其衆從騎僅十一人遣人謂兼相曰吾子努力我將死也。裏創復進中銃墮馬從者扶而退至柏原死兼相奮鬪死之尚馳人謂眞田幸村曰我創衆死不能支也。子急繼之幸村乃與大谷吉胤大野治長等赴援兵凡二萬五千勢復振陸奧兵長騎戰幸村知之登譽田東岡隔林而軍待敵來逼執槍沮之騎不能進幸村轉登南岡與尚收兵更殿而退治長與美濃尾張兵戰大敗吉胤死之。難波戰記逸史水村重成在若江與井伊直孝戰亦死之長曾我部盛親擊藤堂高虎破之進至矢尾堤高虎直孝合兵來迫盛親敗退盛

明石掃部助

茶臼山戰
渡邊內藏之助
旗島玄蕃
郡主馬助
森豐前守
野野村伊豫守

親之出也。步騎五千。及還僅餘數騎。德川記秀賴事記○城中諸將相議曰今日之敗以諸軍失期也。明日宜悉銳南出一舉以決雌雄。幸村曰善。乃啓秀賴曰明石守重屯船塲而敵兵未迫也。臣與諸將軍茶臼山以誘敵守重從今宮林徑出敵背舉烟爲號與臣夾擊之。而主公以中軍繼之則事必可成矣。秀賴從之。逸史○明日幸村軍茶臼山渡邊尚福島正守爲先鋒江原石見旗島重利軍天王寺郡長列野野村雅春軍勝曼院森勝永軍庚申堂大野治長軍毘沙門池津川親冬執金瓢馬標軍岡山大野治房新宮行朝護

本多縫殿
助 遠藤但馬
守

其左右○松平忠直攻茶臼山。本多忠政、松平忠明援之。前田利光攻岡山。本多康俊、遠藤常利援之家康。秀忠率諸軍從之。武德大成記 御撰大阪記○治長巡視至茶臼山。幸村迎曰：敵已迫，而牙旗未發。公宜急促。主公出，則士氣自倍。治長馳歸。秀賴既出，在櫻門，擐緋甲，穿錦袍，千槍十旌，左右成列，鞍于馬，以竦幸村之報。適有流言，城兵欲竦。右府出而反。秀賴疑懼，不進。橫田覺書幸村登丘而望曰：中軍奚不來？吾族有在東者，治長其疑我乎？吾意已決矣。督衆而進，縱橫血戰，終死之。御宿正倫有事，抵幸村營，戰已酣矣。曰：何地

真田幸村戰死
西尾仁右
衛門 斃 眞
田幸村

厨人放火
大隅與五
左衛門

非死所。率部下擊越士野本，右近死之。明石守重自船場赴約，途遇水野勝成奮戰而死。難波軍記○東將前田利光與大野治房戰岡山，不克。東軍頗沮。城兵乘勢而進。藤堂高虎、井伊直孝來救，短兵接，僵尸相枕。時城中遽撤馬標，衆以為有反者。後軍潰走。由是諸軍大敗。東兵乘勝奮擊，斬首一萬五千級。郡良列、津川親冬執章旗馳至，曰：臣等不死城外者，耻棄章旗也。今謹還之。臣事畢矣。遂伏劍而死。會厨人大隅放火於厨，東兵登壁亦縱火，煙燄蔽空。秀賴避火，天主閣、淀君及夫人德川氏從焉。治長送歸夫人於東軍。

豐臣氏亡

時猛炎四逼。秀賴母子徙於楠倉。大阪記○家康遣井伊直孝安藤重信圍楠倉。又遣本多忠純謂秀賴曰：卿罪雖大，枉從寬典，實之高野。給淀氏以萬石，秀賴猶豫不決。直孝謂重信曰：勢至於此，不如除之。放銃於倉中，以示絕。速水時之呼曰：事不諧矣。秀賴母子自裁。落穗集續治長以下二十五人皆殉焉。時秀賴年二十三。淀君三十九。自天正十一年秀吉移治於此。三十三年而豐臣氏亡。是日家康還京師。其翌秀忠旋師於伏見。橫田覺書元寬日記德川記○六月家康秀忠與公卿諸侯觀散樂於二條城。喪亂之餘，伶人離散，典

下總守忠明

美作守信昌

毀豐國廟削秀吉迎像頭髮為僧

定廷式十七條武員式十三條二條昭實

太政大臣家康薨

章廢缺。至是寢復其舊。御年譜○家康封松平忠明於大阪。忠明與平信昌子而家康外孫也。藩翰譜○秋七月九日家康命毀豐國廟，削其神主頭髮為僧，曰不兼備智仁勇三德者，死後不可神祀。尋徙之方廣寺。駿河土產梵舜日記○秀忠還江戶。○關白信尚罷。以前關白昭實任之。公卿補任家康與昭實議，撰廷式十七條武員式十三條及真言禪淨土諸寺院條制。慶祿記○八月家康還駿府。○二年丙辰春三月，詔以家康為太政大臣，就駿府拜焉。御年譜○夏四月十七日，太政大臣家康薨，年七十五。葬於久能山。御年譜家康沈毅

本多佐渡守

有大略用兵如神而好學求治愛人善容嘗有人出一疏于懷獻焉家康使其讀而聽之每條輒稱善讀畢謂之曰爾後有所見勿憚於言其人頓首出本多正信侍坐啓曰彼何輕卒也且其所言無一可取君何褒之曰否吾褒其志也且褒無可取者則可取者至矣又曰凡天下之亂起於主將縱欲而宰臣專權也浚民膏血盈之府庫曰能臣是為君蓄怨耳且恃才能者必以舊法為迂拙動欲更改之武田上杉今川大內氏所以衰亡皆由於此也凡政在因其舊我嘗赴陸奥見源賴朝榜牌其辭曰國事皆因泰衡

家康遺訓

右大將賴朝

陸奥出羽押領使藤原次郎泰衡

之舊吾信賴朝之能定東陞也夫介冑之習如鐵衣纓之習如金金可以為虛飾鐵可以為實用國家將衰必有喜衣纓之習者建立新法務其華飾是大蠹也我家法度皆與祖考者舊議深謀遠慮期其無弊勿有所變更譬之刀鍛鍊一成傳之子孫子孫各異好尚數附冶工則刀終不可用矣凡所貴於故家者以其存舊製養舊臣焉爾侯伯將士皆與我同苦勞者子孫亦宜與同富貴勿無故滅絕之所以酬其祖先之忠也澁谷手錄又嘗曰吾有五字訣曰宇惠遠美那又有七字訣曰美濃保登遠志禮東照官御遺訓逸史○

五字訣七字訣

上總介忠輝

東照大權現

將軍秀忠入朝

秀忠以駿府賜德川賴宣。○秋七月收松平忠輝封放之於伊勢朝熊。藩翰譜 ○三年丁巳春二月秀忠建家

康廟於日光以改葬焉。詔賜號東照大權現。公卿補任御年譜

○夏六月秀忠入朝謝恩。梵舜日記 ○秋八月朝

鮮來聘秀忠於伏見接之。○九月秀忠還於江戶。○

是歲秀忠令蠲京師地稅。翁 ○五年己未夏五月秀忠

入朝。○六月放福島正則於信濃。初正則負功驕橫

大阪之役陰通謀城中而擅築城郭殺戮無辜故及

藩翰 ○明浙江直總兵官王某使單鳳翔齎書來請

杜兩國之奸商秀忠作復書與之。外蕃通書引 ○秋

焚殺耶蕪宗徒

松平下總守

淺野但馬守

藤原肅為宋學之祖

伊賀守勝重

周防守重宗

安藤帶刀

七月關白昭實薨。公卿補任 ○八月焚殺耶蕪宗徒五十

七人於六條磧。孝亮記 ○九月藤原忠榮復為關白。公卿補任

○秀忠徙封松平忠明於郡山。淺野長晟於廣島

德川賴宣於和歌山。藩翰譜 ○藤原肅卒。肅字歛夫。播

磨人號惺窩。究心程朱之學有所發明。元弘中僧玄

慧始講宋學而世未深信之也。至肅程朱之學大行

人皆以肅為宋學之祖。先哲叢談 ○冬十月所司代板倉

勝重致任子重宗為所司代。初勝重以年老辭職。秀

忠問曰孰代卿者。勝重曰必欲使臣薦之賤息重宗

可也。秀忠乃召重宗命之。重宗固辭不拜。安藤直次

素與重宗善。一日過重宗。重宗曰：將軍命僕代父君聞之乎？曰：然。吾固知子之不勝任也。顧子非無才。但失之怯耳。重宗大駭曰：父薦之。君命之子。乃遽巡。非怯而何也？夫為人臣者。一旦就職。萬一有過。則刳腹以謝焉耳。重宗悟。乃起受命。野史纂畧○是歲始置大阪城代及城番。以內藤信政、松平勝政充之。藩翰譜○六年庚申春正月。以德川家光叙正三位。任權大納言。家光秀忠之子也。續王代一覽○夏四月。秀忠命酒井忠勝輔家光。初。酒井忠世。土井利勝。青山忠俊。並輔家光。忠世每侍坐。正色寡言。風采凜然。一日見描金藥籠。

置大阪城代
內藤紀伊守
官內少輔
忠勝
兵部大輔
忠世
大炊頭利勝

伯耆守忠俊
忠世
描金藥籠
堀田加賀守

毀伏見城
暹羅來聘

之華麗者。問之家光曰：堀田正盛所獻也。忠世怒曰：崇檢戒奢。太公之遺訓。正盛之無狀。何至於此。直取而碎之。家光適有過舉。忠俊諫之。弗聽。脫腰刀袒而前曰：不用臣言。則請斬臣首。一人退。利勝執觴捧之。曰：請嚼一杯。二臣在坐。世子何以爲歡。家光色解。利勝曰：忠俊之言誠是也。請用之。否則忠世亦將入諫矣。家光乃從之。至是秀忠命利勝擇輔臣。利勝薦忠勝。故有是命。藩翰譜德川記○六月。以將軍秀忠女和子爲女御。續王代一覽○是歲毀伏見城。○七年辛酉春正月。白馬節盜竊內藏寮布毯。孝亮記○秋八月。暹羅來聘。

有馬玄蕃

長崎日記 ○是歲秀忠徙有馬豐氏於筑後久留米藩翰譜

定錢價

○八年壬戌春二月秀忠定錢價以四千錢直金一兩

將軍秀忠詣日光山

犯者當罰金元和小說 ○夏四月將軍秀忠詣日光

純上野介正

登山始 ○秋八月放本多正純于出羽沒其封正純

時食宇都官十五萬石增築城壘修理宮城將軍之

詣日光也欲享之以壓殺設懸藻井工事既成殺其

工匠以滅口匠嘗有通村長之女者密漏工事女聞

其死悲悼以告之父時將軍既在今市村長馳上變

遂有此命正純資性陰險嘗使訐有馬義純陰事誅

之讒大久保忠隣放之至是人為其報尋賜死其子

弟前後皆死獨叔父正重之後存焉昭代記參証大久保武藏鏡

三彌左衛門正重

○冬十一月江戶城成太平年表 ○九年癸亥春正月行密

法於紫宸殿此典久廢至是復焉年中行事 ○夏六月大

秀忠家光入朝

將軍秀忠入朝 ○秋七月權大納言家光亦入朝秀

家光為將軍

忠辭職詔以家光補大將軍叙內大臣 ○八月家光

歸江戶續王代覽 關白忠榮罷以左大臣信尋為關白

放參議忠直于豐後

公卿補任 ○冬十月流參議松平忠直於豐後忠直秀康

之子元和之役以先登之功進參議忠直猶憤其賞

輕放縱荒淫戮近臣劾孕婦於是配置焉徙其子光

長於高田以越前賜松平忠昌松平家譜 ○寬永元年甲子

仙千代光長後土佐守

虎之助參議忠昌

寬永元年

元和十年

二月卅日

改元

伊斯把爾亞請

互市

駿河大納

言忠長

創東叡山寬永

春二月踏歌盛行號伊勢舞流傳諸國百姓皆廢業

命禁之野史纂畧○伊斯把爾亞人來聘請互市家光聞

其倡耶蕪教卻之外蕃通書引○秋八月秀忠封二

子忠長於駿河遠江治於駿府續王代覽○冬十一月

立女御德川氏為中宮公卿補任自後村上朝歷世后妃

之號不正至是正焉十三朝紀聞○是歲家光創寬永寺

於忍岡號東叡山以僧天海為主又築島於不忍池

中以擬竹生島舊章錄○二年丑冬十二月中宮清所

火孝亮記○是歲長崎商人津田亦一歸自暹羅慶長

中亦一至暹羅會其國與哥亞戰敗國主請亦一援

仁左衛門長政

秀忠家光入朝

前田筑前

守伊達陸奥

守島津薩摩

守島津薩摩

之亦一與山田長政率我民在其港者七百人擊哥

亞破之國主大悅撰拔長政管領國事以女妻亦一

至是挈妻而歸長政伊勢人也異國日記十三年

丙寅夏大旱○六月秀忠入朝大納言德川忠長修道

路架橋于大井川衆皆稱宏莊秀忠不懌曰函根大

井海道之峻也東照公嘗謂之樞要而今架橋令衆

知破要地寬明日記○秋八月家光亦入朝○詔以秀忠

為太政大臣家光為左大臣兼左近衛大將德川義

直賴宣為權大納言前田利常伊達政宗島津家久

為權中納言其他任叙有差○九月天皇幸于二條

幸一條城

始置二條在番

蒲生下野

守中務大輔

忠知

安南乞互市

守松浦肥前

秀忠家光詣日

城中和門院中宮宗室妃嬪百官從焉秀忠家光奉

迎乘輿警衛嚴肅供具豐備留蹕數日而還御○家

光還江戶冬十月秀忠亦歸○是歲家光始置二條

城在番續王代一覽藩翰譜○頒烟艸禁令五條慶祿記○四年

丁卯春正月蒲生忠鄉卒無嗣國除徙封弟忠知於伊

豫松山續王代一覽○夏五月安南上書乞互市○荷蘭

上書書辭無禮家光令松浦隆信卻之外藩通書○冬十

一月富士山火江戶雨灰結賄錄○是歲明人陳明德

歸化崎陽實錄○五年戊辰夏四月秀忠家光詣日光廟○

六年己巳春正月水無又兵衛帥其徒千餘人鈔掠松

山城主蒲生忠知擊平之斬又兵衛太平年表○秋七月

關白信尋罷以右大臣兼遐為關白公卿補任○家光令

竹中重次松倉重政如筑紫檢異教之徒後以為例

野史纂畧○暹羅來聘駿府記○立皇女興子為內親王初

帝欲讓位於皇女傳旨家光對曰遷都以來久

不立女主而今立之世或曰外戚專威之所為也帝

不納逸史○冬十一月天皇禪位於內親王慶安四年

五月薙髮法名圓淨延寶二年冬祝八十聖壽八年

八月崩壽八十五皇胤紹運續錄葬于泉涌寺前王陵廟

記帝善國詩又好插花技最信佛教避位之後每使

一條兼遐

竹中采女

正松倉豐後

守

始踏耶蘇像為

十一月初八

日讓位

八月十九

日崩

八月十九

僧文守如周天圭等說禪律於御前。十三朝紀聞先是後醍醐帝留心典故著年中行事帝亦撰當時年中行事親書三部而一藏禁內一贈新院畱其稿置之法皇宮。當時年中行事蓋簪錄

明正天皇諱興子後水尾帝長女也稱女一宮。近代帝王系圖

紀元二千二百八十九年己巳歲十一月八日踐祚

○十三朝紀聞作第二女母東福門院源氏前大將軍秀忠之女

寬永六年十一月受禪時年七歲仍用寬永號以關

白左大臣兼遐攝政。孝亮記○七年庚午夏六月琉球來

九月十二日即位

聘太平表○秋九月行即位禮。公卿補任秀忠家光遣使賀

之。慶弘紀聞○冬十月和泉守藤堂高虎卒年七十六子

佐渡守高次

高虎止殉死

越中守參議忠興
右近將監侍從忠真
信濃守長次

高次嗣高虎惡時人殉葬之弊造一函謂群臣曰他日欲殉我者書名小簡投之於是投簡者七十餘人高虎乃持其簡謁前將軍家康請曰此皆臣之股肱臣欲使此輩輔後嗣願以公命止殉死家康許之乃還而諭衆一人曰臣既被創為廢人願臣獨殉焉高虎憂之家康聞之使高虎謂之曰我既委藤堂氏以先鋒之任若有殉者必奪其任矣其人乃止至是竟無一人殉者。野史纂畧○八年辛未夏六月收加藤忠廣封放出羽莊內徙封細川忠興于肥後割忠興舊封賜小倉于小笠原忠真中津于其兄長次○秋八月豐

中 豐島信滿 斫老

刑部信滿 主計頭正

就 山城守重

隆

德川忠長 獵淺

島信滿以私憤斫老中井上正就於城中。先是正就約以女嫁島田直時子信滿為之媒。既而正就俄變約嫁其女於酒井重隆。信滿大怒遂殺之。○冬十一月德川忠長將獵淺間。衆諫曰：自平城帝躬淺間社八百歲於今矣。神威顯赫。殺生有禁。豈可以為獵場乎。忠長不聽。曰：我是國之主也。鬼神且不得違我。乃帥衆數萬合圍之。獲猴千二百餘。其歸也。俄從輿中刺輿夫。輿夫驚走。乃使從者追斬之。尋又出獵。會天陰寒甚。忠長憇道傍佛舍。小濱七之助不之知也。騎而過之。忠長怒。小濱覺而來謝。命熟柴禦寒。小濱乃

前將軍秀忠 薨

中納言秀康

俯吹火。忠長輒斬之。清水八郎右衛門進收其尸。更命吹火柴濕不燃。怒而歸。其舉動如此。識者知駿河之將亡也。藩翰譜野史纂畧 ○九年壬申春正月。前將軍秀忠疾召弟義直。賴宣。賴房。諭之曰：將軍年少。卿等深念祖宗之艱難。協心輔翼。勿令異姓生覬覦之心。遂薨。年五十四。葬增上寺。舊章錄柳管祕鑑 ○二月。敕諡台德院。贈正一位。續王代一覽 秀忠為人勤謹和厚。朝廷以外舅。故禮秩異等。而秀忠益小心。嘗在禁內。獨休于便室。或闕之。衣冠肅然。莫有惰容。其事家翁。盡心承懼。至細微事。無不咨稟。關原之役。秀忠不及事。而兄秀康

參議忠吉

弟忠吉皆有功。家康召諸大臣曰：吾欲定繼嗣，誰可者？大久保忠隣曰：冢子資望已定，不宜動搖。且自今以往，撥亂之才，不若守成之器也。果如其言。初，其薨也，一夜失火，十三所宿直諸士帶甲警備，上下騷然。將軍家光下教，召諸侯伯親出面之，曰：前將軍薨矣。諸君或冀望天下，則唯其所欲。然家光既係軍職，當以弓箭授受之。諸侯愕然未答。伊達政宗進言曰：孰不被德川氏恩澤，今日有敢挾異心者，政宗請先往蹂躪之。衆同聲對曰：誠如中納言所陳，乃退。柳營秘鑑續王

家光召諸侯示

權中納言
政宗

幽駿河大納言
忠長

代一 ○秋九月，家光幽忠長於甲府，尋收其封流上覽。

定武家式九條

野高崎忠長與家光同母。幼字國松，為母氏所鍾愛。家光為世子時，內外流言幕府有易嫡之意。世子乳母春日局者，密往駿府告之。居數月，家康入江戶城，秀忠饗之。使二子接伴。家康曰：家光可接伴也。阿國何得接伴，斯坐乎？遂命撤其膳，衆望於是定矣。洛穂集

忠長既長，有驕恣。及其就封，益偃蹇。聞秀忠有疾，田獵自若。及其薨，無戚容。於是收其封，放之。尋諷使自殺。藩翰譜野史纂畧自是駿河甲斐直隸幕府。府兵更戍駿府。舊章錄 ○定武家式九條。慶祿 ○冬十月，家光命還未次平藏等所，拘荷蘭人。初，明鄭芝龍來長崎，與

濱田彌兵衛襲臺灣

平藏善及芝龍還明。平藏屢遣商船買絲，船嘗泊臺灣。時荷蘭人據其地，衆夷來掩襲，悉掠財物而去。舟人逃還告平藏，平藏聞之，憤怒。其友濱田彌兵衛曰：「吾能爲子報怨，請爲我具一巨艦，使一百人從我。」平藏素豪富，如其言。彌兵衛與弟小左衛門航海至臺灣。荷蘭人入其船，檢視唯有耕具耳。因問其所以來。彌兵衛曰：「此地膏腴，而未嘗開墾，若賜其地，吾且爲公等墾之。」蘭人不答。彌兵衛兄弟乃匿小刀於衣中，往見夷酋，請之。彌兵衛佯怖，蒲伏而進，突起搏夷酋。衆夷挺劍進，小左衛門斬其一人，餘皆逃去。彌兵衛

始置大目付

抽刀擬夷酋胸，曰：「汝何爲掠我國商船？」夷酋謝曰：「請倍其數奉還。」彌兵衛乃趨出財物，且欲以夷酋還酋。辭謝曰：「願以吾兒爲質。」彌兵衛乃取財物及其兒而還。至是夷酋來謝，則兒已死。乃還其從者。長崎夜話崎陽雜記

○是歲始置大目付，專掌監察。○十年癸酉春正月，地大震，箱根山崩，道路不通。家光令小田原城主稻葉正勝開路。續王代一覽 ○二月，釋菜于忍岡孔子廟。林信勝爲獻官。幕府釋菜之典，昉于此。大寶元年二月，文武帝始釋奠大學寮。至文明年間，世世修其禮。及朝政頽弛，此典亦廢。至永正年間，孔廟僅存臺趾耳。左神

加賀守正盛
甚左衛門尉正利
內匠頭正成

巡檢使始此

信濃守尚政
日向守直清

泉苑西北茶園中至是權大納言德川義直建孔廟于江戶

忍岡而釋菜尋改稱釋奠延喜式昌平志舊章錄○三月堀田

正盛為老中正盛父正利嘗與稻葉正成事豐臣秀

秋娶正成女其後二人各去國正成妻齋藤氏為家

光乳母故二人皆為列侯正盛自幼侍家光親寵無

比正利歎曰老父不死則吾兒不能極富貴刳腹而

死正盛果得顯職○始遣使五畿七道巡察風俗○

徙封永井尚政於山城淀其弟直清於山崎俱警衛

京師野史纂畧○十一年甲戌春正月行內侍所神樂祈上

皇疾孝亮記○權大納言藤原光廣上木下貞幹太平

參議光國

將軍家光入朝

江戶西城火
雅樂頭忠世

頌貞幹時年十三詞旨淳正朝野以為國瑞十三朝紀聞

○夏五月德川光國始謁家光家光視其舉止非常

深歎異之賜以文昌星銅像光國賴房嫡子也○六

月家光朝於京師將宿尾張至參河吉田忽有流言

義直謀不軌家光召德川賴房問之賴房舍鹵簿單

騎往探則無事馳使保其無佗家光乃入不宿而發

野史纂畧○秋七月入朝詔拜太政大臣固辭不拜公卿補任

舊章錄以白金十二萬兩賑京師市人續王代覽○是日

江戶西城火雷守酒井忠世大懼逃於寬永寺飛駟

報京師家光曰災變天也忠世何罪但彼職在守城

右近衛中將直孝

去城謝罪非武夫也。馳使諭之。忠世懼不敢入城。賢弘
覺書風也集 ○秋八月家光歸江戶。○九月關白兼遐辭攝政。上皇復聽政。舊章錄 ○義直憾家光之疑已不肯赴江戶。賴宣乃過尾張勸之。義直曰將軍疑我我不欲往。若以此獲罪我有死耳。賴宣曰君若不往則吾亦留在此城。義直乃俱發。家光悅曰尾張不來吾將往而見焉。今乃來見幸矣。時酒井忠世猶屏居寬永寺。義直賴宣賴房相議因井伊直孝請宥之。直孝曰三公之請為將軍乎。將為忠世乎。義直曰亦為將軍耳。夫祝融之災何處無之。以此罪人尤為不可直孝

定大番隊

改造日光廟

豐前守調興

定武家制度

曰紀水二公意如何。義直勵聲曰二公意何必問。卿第以吾言白將軍。直孝乃見家光請之。家光許之。史野
纂畧 ○冬十一月家光定大番隊為十二部。舊章錄 ○是歲改造日光廟。窮極華麗。不得論經費。工匠有暴富者。○十二年乙丑春二月。流柳川調興於津輕。調興對馬守宗義成臣也。初幕府賜書於外國也。未嘗稱王號。元和中朝鮮入貢。調興與僧玄方謀密加王字。日本國三字之下以附之。貢使歸事發覺。家光謂調興誣其主。數年不決。至是家光召二人親聽之。調興伏罪。玄方亦處流。野史纂畧十三朝紀聞 ○夏六月定武家制度

禁互市

二條左大臣

始置

社奉行

社奉行

備後守忠

朝

遠江守利

隆

十九年又定諸侯會同期以四月慶祿○秋七月令

長崎禁交趾占城呂宋等互市○冬十月帝朝上皇

於櫻町宮○以左大臣藤原康道攝政公卿補任○始置

若年寄以酒井忠朝土井利隆充之藩翰譜○太平年表風也集作

十年○十二月始置寺社奉行年表○十三年丙春

正月朔日有食之廢小朝拜明日行之御湯殿日記○始

置評定所初家康之遷江戶也執政會諸有司於各

第後建傳奏館以待勅使而館平常空虛因以為會

議所且出倡婦供使令其簡率如此每詔使至會議

輒廢至是更置評定所野史纂畧風也集○夏六月鑄新錢

鑄新錢

於江戶及近江阪本款文曰寬永通寶弘賢覺書○和錢考作五

月○是歲那勿蠟國主來長崎唱耶蘓教捕而誅之

逐南蠻人

逐南蠻人居長崎者二百八十七人於阿媽港又慮

其作亂令大村純信備之而禁諸國商船之往外蕃

先是聽廣東東京太泥臺灣東浦寨暹羅阿媽港六

昆等貿易商船至者歲九隻至是皆禁之長崎夜話○十

四年丁丑冬十月肥前島原民作亂初大友小西之亡

遺臣往往散處民間二氏皆崇耶蘓教故遺衆亦皆

竊奉其法而肥前最多家康嘗聞有馬直純臣悉信

耶蘓徒封於日向家士皆不欲往家康特遣使諭直

島原之役

豐後守義

鎮

攝津守行

長

左衛門佐

直純

長門守重次

兵庫頭賢高

天草出神人

時貞稱天草四郎

里正次郎左衛門弟角藏

純直純奉命島原即直純舊封也城主松倉重次為人鄙吝不恤其下士民離怨於是耶蘓之徒稍稍潛匿其境內煽誘愚民而重次不之知也島原接天草島而島唐津城主寺澤賢高別封也賢高以唐津天草海路懸隔城富岡以鎮天草命三宅藤兵衛守之藤兵衛賦歛暴急百姓愁苦於是邪徒赴島原潛以邪教誘衆曰先輩嘗謂天草當出神人以弘此法今天草人益田時貞乃其人也天有赤雲之祥地有異花之瑞果如先輩言時櫻樹冬華衆以為天意也時城主重次在江戶畱守臣聞有馬里長之弟角藏者

僚吏二人

本馬九郎

左衛門

林兵左衛

岡本新兵

衛

多賀主水

唱耶蘓教遣僚吏二人驗問果如其言乃遣兵捕之其徒聞之大怒殺官吏一人逃歸告急老臣岡本多賀帥兵三百陣江東寺遣使深江問村民曰汝等果黨賊乎村民不答大喊而起二人令銃手遞發乘烟衝突賊敗走追擊斬八十餘人餘衆走布津村兵士欲追躡多賀曰吾等僕隸皆賊親戚不宜深入乃引還賊急攻島原多賀出陣城外既而聞城中有內應入守果獲賊黨賊呼譟而進揮斧碎城門木村彌兵次舞槍捍之曾我八右衛門連發巨銃賊稍沮城兵乘勢突擊賊潰亂奪兵船而逃二十七日馳使告變

益田時貞亦舉兵

岡本次郎
左衛門
岡島七郎
左衛門
澤木七郎
兵衛
原田嘉種

江戶斬角藏及妻子十六人。賊勢益熾。遂至八千人。而時貞亦舉兵。天草島原賊奉為大將。三宅藤兵衛聞變。大驚出陣。大島子索捕賊黨數人。誅之。還欲發兵。衆止之。曰。大矢野上津浦悉為賊巢。不宜以寡兵往。乃乞援唐津。時賢高亦在江戶。衆議不決。賊殺掠日甚。藤兵衛又告急。翁○十一月。唐津遣岡本次郎等四人。將兵一千五百。航海援富岡。島原賊亦赴援。海陸並進。薄島子。村民縱火應賊。唐津兵苦戰。遂敗。賊急進攻本戶。鋒甚銳。藤兵衛戰死。餘衆皆潰。原田嘉種挺身血戰。丸中背幟者七。乃還。富岡諸將會議。

賊陷富岡外城

命板倉重昌討賊
內膳正重昌
主水重矩
十藏貞清

或欲拒守。或欲歸唐津。嘉種奮曰。吾當死守。諸君若歸國。幸傳吾意。衆請同守。議乃決。嘉種晝夜督衆嚴備。賊議曰。富岡三面瀕海。一面據險。吾當取之。以為根抵。乃火廬舍。聯竹牌。薄城。銃不能洞。嘉種命銃手五十人。叢擊一牌。牌果壞。城兵乘勢出擊。殺傷數百人。賊敗走。又來圍數匝。遂陷外城。城兵叢銃苦拒。獲一賊將。賊乃退。當此之時。急報已達江戶。家光特命板倉重昌討之。石谷貞清監軍。又使松倉重次速就國。重昌子重矩請從。許之。諸將即日發江戶。二十九日。重次至高原。十二月五日。重昌貞清亦至。先是賊

賊據原城故壘

國史卷一百一十四

卷一百一十四

高卷和鼎

鍋島信濃
守勝茂
左近將監
忠茂

聞諸將來討。修原城故壘。據之。運男女及米粟。而悉毀其舟。為塼。重次先諸軍發。島原重昌貞清繼進。火賊廬舍。時西海諸侯皆發兵來援。寺澤賢高亦就國。諸軍薄城。賊不敢出。重昌謂諸將曰。吾緩攻曠日。恐近國愚民皆應賊。請乘夜擊之。以試賊動靜。諸將從之。即夜諸軍大喊。賊亦大喊。不敢出。重昌乃曰。吾當以明日攻城。鍋島氏先攻西面。松山賊必聚於西。立花氏乃宜乘虛攻其東西。鍋島氏將諫早豐前攻松山。矢石雨下。不利而退。立花忠茂以五千人攻東面。賊力拒。婦女亦登塼投石。立花大藏挺身攀塼。中丸

又命松平信綱
等討賊

伊豆守信綱
甚左衛門
氏鐵

中務大輔
忠賴

板倉重昌戰死

而墜。忠茂督衆苦攻。僵尸相枕。重昌命收兵。令曰。此城不易。遽拔之。必損衆。諸軍且待。後令家光聞賊日熾。更命松平信綱戶田氏鐵赴討。晦日重昌聞之。曰。吾誓欲虜賊。而二將來討。不及今取城。吾何顏而見二將。明日歲首。賊必不設備。急攻拔之。衆皆然之。然賊已知而為之備。舊章錄耶蘇天誅記○十五年。春正月朔。重昌率諸軍進攻。賊弓銃亂發。死者千餘。先鋒有馬忠賴敗而退。諸軍繼進。賊五千開門。突出。諸軍多死。重昌乃下馬提槍而進。諸軍不應。則獨帥手兵。踰塹攀壁而登。矢石益急。重昌胄碎。槍折。中

國史各卷

卷一百一十四

八十四

高卷和鼎

但馬守宗矩

信綱等至島原

越中守少將忠利
筑前守忠之
支蕃頭豐氏
丹後守重直

黑田監物戰死

丸而死。初，重昌發江戶也。柳生宗矩曰：「此役也。重昌必死。吾為天下惜之。至是果如其言。」○信綱等至島原。肥後守細川光尚帥兵萬餘人。信綱巡視城外。謂諸將曰：「賊皆愚民。諸君侮之。所以取敗。請築長圍以困之。衆皆從之。」立花宗茂、細川忠利、黑田忠之、鍋島勝茂、有馬豐氏、松平重直來會。信綱召荷蘭人於長崎。命發巨煩於城中。忠利忠之亦遣舟師發銃攻之。賊困，造土室禦丸。二月，城中糧乏。賊等謀曰：「與束手餓死，寧乘夜斫營。」縱火以奪敵糧。乃出斫鍋島寺澤。黑田三營縱火大喊。城中呼譟助之。黑田監物奮戰。

日向守勝成
軍議於信綱營

死。子佐左衛門亦挺身衝突。賊乃敗走。寺澤鍋島二軍亦奮戰卻賊。斬首二百五十餘級。明日水野勝成亦來會。諸將會於信綱營。合議。氏鐵進曰：「苦攻損衆。將軍之所戒。請待其糧竭以殲之。」勝成曰：「否。賊本烏合。糧食必乏。諸君合圍。一鼓屠之。實為今日良策也。」信綱曰：「善。」乃期以二十六日。是日大風雨。更約二十八日。時長崎奉行柳原職直監勝茂軍。子職信從。是夜職信會衆議。先登不決。藤田市右衛門曰：「議之不決。欲生還也。郎君以百餘擊三萬。唯有一死耳。翌日諸將復會。信綱營勝茂兵列竹盾薄外壘。賊乍發。」

職信先登

銃勝茂兵叢銃進擊賊頗沮職信挺身進植旗城上
 職直望見曰旗號車輪是必吾兒不可不救乃進勝
 茂呼曰奈何使監軍死麾衆而進於是諸將皆進四
 面肉薄而登悉奪外城賊僅保牙城日既暮諸軍陣
 城上明日乘曉攻牙城火箭雨集廬舍皆火諸軍乘
 烟塵擊至午時城乃陷屠戮賊男女三萬七千餘人
 諸軍死者一千百三十餘人弘賢覺書寬明○三月
 朔信綱令寺澤賢高有馬直純等毀原城石壁信綱
 氏鐵巡視天草長崎梟時貞首級於長崎座賊級二
 萬於西阪呼曰有馬塚○夏四月信綱氏鐵凱旋江

原城陷時貞伏誅

日向守直純

梟時貞首于長崎

水戶中納言

戶西海諸侯皆就國家光召寺澤賢高松倉重次至
 則削賢高封禁錮重次尋賜死藩翰譜○六月召鍋島
 勝茂榊原職直問曰勝茂何以犯軍律曰榊原父子
 先登臣恐其戰死故進攻耳問職直職直曰臣兒先
 登臣不忍見其死故進兵也勝茂法當國除德川賴
 房聞之白曰嚴令懲後是戰國之法不宜用之今日
 若罪勝茂異日誰復効力國家者家光然之鍋島氏
 遂不亡藩翰譜耶蘇征伐記○夏六月始置大老職
 以土井利勝充之藩翰譜○十六年己春正月朔廢朝
 拜公卿補任○徙封松平信綱於武藏河越阿部忠秋於

始置大老

豐後守正秋

禁南蠻來泊

忍。○秋七月。令諸國曰。國家嚴禁耶蘇教。南蠻非不知也。然往往潛遣其徒。蠱惑百姓。竟以啓禍亂矣。自今已後。嚴禁其來泊。若有來者。輒毀其船。誅其人。天下郡國。警察海濱。或有蕃舶漂到。速送之長崎。勿使暫碇泊。慶祿記野史纂畧 ○八月。江戶城火。殿宇蕩盡。舊章錄

江戶城火

筑後守正重

○是歲。令大目付井上正重如長崎。索荷蘭諸厄利亞種族五十人。放之咬嚼吧。戒曰。汝等知我大禁。而敢來泊。無狀甚矣。然今特宥汝等。放還。若再來。必誅無赦。先是。蠻人在長崎者。與里人雜居。於是特造夷邸於湊浦。別居焉。長崎實記崎陽拾芥 ○十七年。庚辰春二月。江

造夷邸於湊浦

焚阿媽港船

民部少輔忠澄

筑前守光高
東海寺澤菴
宰相秀元

戶城成。弘賢覺書 ○三月。天皇朝上皇於櫻町宮。數日而還。十三朝紀聞 ○夏五月。阿媽港船來長崎。家光遣加加

瓜忠澄言曰。汝等屢來犯我大禁。是蔑吾國也。捕而悉斬之。燒其船及貨物。長崎夜話 ○秋九月。家光如品川

別館。德川義直賴宣賴房。及前田光高。僧澤菴從焉。毛利秀元饗茶。家光大悅。盡歡而還。秀元朝鮮之役。

以材武聞。旁善和歌。好茗。家光恆曰。此吾良友也。毛利家記 ○歲饑。諸國牛多死。○是歲。夏松前蝦夷地晝

暗。經三日。而禺中纔見人面。及午始明。時字知浦海溢。山壑發火。廣袤十里。炎焰飛空。人死者七百餘。馬

太田資宗撰諸家系圖
備中守資宗
多寶塔成
前彈正少弼利正

牛鳥魚傷亡无算。灰燼埋地一丈七尺。至秋鳴動不止。焦土入海。竟生一大島。字知浦。距松前。蓋八日程。弘賢筆記○十八年辛巳春正月。江戶大火。風也集○二月。家光命太田資宗撰諸家系圖。舊章錄武家譜○夏六月。遣巡察使於諸國。問民疾苦。○秋七月。日光多寶塔成。先是家光將造塔。問老中曰。銅鐵與石孰堅。老中不答。島田利正以多智聞。家光召而問之。利正曰。若能修補豐國廟。則日光之塔萬世不廢矣。家光乃造以石。採之赤那木山。道路甚艱。鑿山填谷。石尤大者至用二萬人。其費不貲。至是成。○家光以天草島屬肥

家綱拜山王祠

稱紀水尾三藩曰三家
林羅山撰將軍家譜
播磨守康勝
紀伊守忠吉

前使黑田忠之。鍋島勝茂。掌長崎防備。○十九年壬午春二月。將軍家子家綱拜山王祠。老中傳命使紀水三家扈從焉。義直曰。焉有納言之官。而扈從无官之人者耶。老中曰。請為將軍屈義。直曰。昔北山行幸。足利義滿以幼兒義嗣。班關白上。後世譏其僭。今日之舉。吾恐將軍之貽譏也。老中語塞。乃使三家前行。時世稱紀水尾三藩曰三家。一本續王代一覽野史纂畧○林信勝撰將軍家譜。○三月。置勘定頭。以伊丹康勝。酒井忠吉。杉浦正友充之。藩翰譜○自三月至五月。天下大饑。餓殍滿路。家光發倉賑之。續王代一覽○江戶富商與

內藏允正
友
定譜代諸侯交
期

蠻人改宗

式部少輔
明成
內藏介明
友

幕吏結黨閉糶已而事覺處刑者數人其餘逮及甚
衆野史 ○家光定譜代諸侯交代期以六月其在關
幕畧 以東者以半年為更期著為永式風也集 ○二十年
舊章錄 癸夏五月黑田忠之捕蠻夷十人於長崎檢之則曰
 為傳耶蘇教也忠之乃送之江戶蠻人自首罪狀曰
 請更宗門為我民聽之為造邸於小日向而禁錮焉
長崎實記 ○六月朝鮮來聘獻洪鐘瓶爐匾額等於日光
廟外蕃通書引 ○會津城主加藤明成辭封乃沒其
日光雜記 四十萬石更封其子明友於石見安濃食一萬石先
 是其老堀主水來江戶訴明成十餘罪明成大怒欲

琉球貢西瓜

南光坊天海寂
謚慈眼大師

十月三日
讓位
十一月十日崩

捕之主水奔高野山明成索之僧徒不肯出明成益
 怒遂請家光曰臣願以國易主水家光令高野僧徒
 捕主水贈之明成明成喜而誅之其妻子匿於鎌倉
 尼寺明成又遣人捕之寺主怒訴之遂收明成城邑
 加藤氏亡家光念嘉明之功猶存其祀寬明日記 ○琉球
 貢西瓜於薩摩慶長中南蠻貢南瓜烟草後又貢蕃
 椒本邦有此諸草自此始十三朝紀聞 ○冬十月大僧正
 天海歿年百三十三續王代覽 ○天皇讓位於親王紹
 仁皇胤紹 元祿五年秋賀七十壽九年十一月崩壽
 七十四葬于泉涌寺近代帝王系圖 靈元帝詔因元

明元正二帝諡字追諡明正院魏記

國史略卷之四 終

終

